

BAHEBERE, TEMA YA PELE

 Le go fa e n—n nnyane . . . Ke nagana ga se gona se sekaone, go phala feela Lentšu. “Tumelo e tla ka go kwa, gomme go kwa Lentšu la Modimo.”

² Mo Malaboraro, le mohlomongwe ka Malamorena, ye nngwe ya ditirelo tša Lamorena, go fa modiša feela go khutša go gonyane, e lego o swanelwa ke gona kudu, le go nagana mohlomongwe re tla no tše Puku ka Beibeleng. Re be re fela re dira seo, gomme nako tše dingwe go dula ngwaga go yona.

³ Ke elelwa nako ye nngwe re dutše ngwaga wa go kgwahla go Puku ya Kutollo. Eupša, oo, nna, dilo tše re ithutilego, le ka fao go bilego go makatša ka gona! Morago re ile morago le go tše Puku ya Daniele, goba Puku ya Genesi, goba Ekisodo, le go no e tše, tema ka tema, gomme e no tlemaganya Beibele ka moka mmogo. Oo, ke no rata seo!

⁴ Moragorago gannyane, re tla swanela go hwetša . . . Ge Morena a tšwelapele go re šegofatša gomme re ya pele, re tla tsena ka go dilo tše dingwe tša go teba ka kgontha ka fa, tša go teba ka kgontha. Gomme re tla no ya go tloga lefelong go ya lefelong, go kgabola Lengwalo, ka yona.

⁵ Gomme ke rata go dira Lengwalo go bapela le Lengwalo. Ke ka tsela yeo e swanetšego go ba. E no ba seswantšho se setee se sebotse. Gomme ka Pukung ye yeo re ithutago yona, re ya go hwetša ka gare, oo, phološo, le phodišo Kgethwa, le mehlolo, le dikgaogelo. Gomme, oo, se sengwe le se sengwe se tla ka fa.

⁶ Gomme mohlomongwe ge ke fihla lefelong moo ke swanetšego go hwetša dikopano . . . Ke no se tsoge ka tseba feela ke neng ke yago go ba kopanong, go biletšwa kopanong, gobane ga ke ne e ka ba eng e beilwe go fihlela ke no ikwela go hlahlwa go dira selo se rilego. Gomme seo mohlomongwe go ba pele mo mosong, nka fofela California, godimo Maine goba felotsoko, feela moo A tla mpišago. Ke ka lebaka leo ga ke bee le legolo, lenaneopeakanyo le letelele, ka gobane ga ke kgone go dira seo. Bodiredi bja ka ga bja betlwa ka tsela yeo, gomme go no fapania.

⁷ Gomme bjale ke tla gae feela lebaka la go khutša gannyane. Ke lahlegetšwe ke masomepedi a boima, ka kopanong ye ya mafelelo. Gomme Ngwanešu Mercier le Ngwanešu Goad ba be ba le godimo, nakwana ya go feta, gomme ba rile, “Ngwanešu Branham, ke lemoga se o se dirago. O bea pelo ya gago ka moka ka go yona.”

⁸ Ke rile, “Yeo ke tsela e nnoši o ka dirago mohuta wo mokaone wa mošomo bakeng sa Morena, ke go bea se sengwe le se sengwe

o nago thwi ka pele bakeng sa Kriste; maatla a gago ohle, soulo ya gago yohle, pelo ya gago yohle, monagano wa gago wohle, se sengwe le se sengwe seo o nago.” Ge o dira e ka ba eng, e dire gabotse goba se e dire le gatee, le a bona, no e tlogela e le noši. Ge eba o ya go ba Mokriste, bea se sengwe le se sengwe seo o nago go Kriste, ke gore, nako ya gago, talente ya gago, sengwe le sengwe sa gago.

⁹ Ke sa tšo lemoga moisa yo moswa yo. Yoo ke mosadimogatša wa gago, Ngwanešu Burns, ke yena, yola a ralokago le go opela fale, baratani bale ba babedi. Gomme—gomme ga se piano, ga ešita okene, eupša ke mohuta tsoko wa seletšo, ba e pidinya wa katara le go e topa, le go dira se sengwe bakeng sa Morena. Mohlomongwe le ka dira yeo, le go opela, ke gore, go thopa disoulo. Dira se sengwe, ga go kgathale. Ge o—o ka letša molodi, gabotse, letša molodi. No dira se sengwe. No paka goba dira se sengwe bakeng sa Mmušo wa Modimo. E ka ba eng o nago, e šomišetše tirelo ya Modimo.

¹⁰ Bjale, ga re ye go leka go dula nako ye telele, gobane ke a tseba le a šoma. Le swanetše go tsoga ka pela. Gomme ke ya go tsoma dihlorana mosong wo mongwe le wo mongwe. Ke tla le botša therešo. Ke seo ke se dirago. Ke seo ke se tletšego gae, ke go khutša gannyane. Gomme kafao ke a tsoga, e ka ba ka iri ya bone, gomme ka ya ntle ka dithokgweng gomme, gabotse, go tsoma gannyane nthathana le go ya go robala. Gomme ke oketša bjo bongwe bja boima bjola morago, kafao ke tla khutša, ka morago ga nakwana, ge le . . . Morena ge a rata. Gomme se sengwe le se sengwe se lokile.

¹¹ Go lokile, bjale, re ya go phutholla ka Dibeibeleng tša lena. Ke nyaka le tleng le Dibeibele tša lena bošego bjo bongwe le bjo bongwe, gore lena . . . ge le ka kgona. Ge eba yo mongwe a hlaetše di se kae, a yo mongwe a nyakago go latela go baleng, re ne tše dingwe fa, re tla ba le . . . ba bangwe ba diašara go di fetišetša. E ka ba mang a nyakago e tee? Gabotse, e no phagamiša seatla sa gago.

¹² Ke a makala ge eba Ngwanešu . . . Doc, etla fa gomme o tše Dibeibele tše. O eme kgauswi fao, le Ngwanešu Burns. A yoo ke nnete, Burns? Ke mo kwele a re . . . [Ngwanešu o re, “Conrad.”—Mor.] Eng? [“Conrad.”] Conrad. Ke mmiditše . . . Ke ba mohuta wa go ba thata go kwa, mohlomongwe, Ngwanešu Neville. Ke tsogile ka hwetša bjang leina la Burns? Ke tseba sefahlego sa monna, gomme ke no se kgone, ga se ke kgone go bitša leina la gagwe.

¹³ Gomme le a tseba, ge o tšofala gannyane, ke hwetša selo se tee, go thata go nna go bala Beibele ye. Gomme ke no hloya go nagana go rwala digalase, go bala Beibele.

¹⁴ Eupša, fa e se kgale kudu, ke naganne ke a foufala. Gomme ke ile godimo go bona Sam. Gomme Sam o rile, “Bill, ga ke tsebe.” O rile, “Ke tla no go hweletša thulaganyo le setsebi tsoko.”

¹⁵ Ke ile Louisville. Go swanetše go bile thato ya Morena. Setsebi tsoko sa go tsebalega; ke lebetše leina la gagwe bjale. Eupša o be a badile puku ya ka. Gomme o rile, “Ge o ka tsoge wa ya morago ka Afrika, ke nyaka go ya le wena.” O rile, “Gomme ge eba o . . . Bona batho ba Afrika ba a go rata.” Gomme o rile, “Ke batho ba ditumelokhwelo, kudukudu ka thipa, go ya go ripeng. Kafao,” o rile, “ke nyaka go fa dikgwedi tše tshela tša bophelo bja ka, bakeng sa go kara ga legapi la mahlo le dilo, go . . . ka mišining.” Gomme o rile, “Ge re ka kgona go ya mmogo, gomme wa hwetša kgaogelo go bona, ka mokgwa woo.” O rile, “Gona ge ba bile le legapi la mahlo le mošomo wa mahlo,” o rile, “ke tla no rata go e fa, mahala, dikgwedi tše tshela tša yona.” Gomme ke lebetše o swanetše go leta botelele gakaakang bakeng sa thulaganyo le yena.

¹⁶ Gomme re be re dutše ka kamoreng ye nnyane gomme e bile le lebone le lennyane—lennyane le lehubedu le etla, morago fale ka kamoreng ya leswiswi. Gobaneng, ke kgonne go bala ona maletere. E rile masomepedi masomepedi. Ke kgonne go e bala e ka ba ka tsela efe. Gomme o e nepile go lesometlhano lesometlhano, gomme ga se ke kgone go e bala. Gomme e beile lesome lesome, gomme ke kgonne go e bala. O rile, “Gabotse, ga go ne phošo ye ntši ka mahlo a gago.”

¹⁷ Kafao o swere thelesekoupo ye nnyane. O beile sedirišwa se sennyane morago fale, selo se sennyane, le a tseba. Tšona dithelesekoupo tša kgale, ke ba bakae ba di elelwago? Re be re fela re lebelela ka tšona, re lebelela diswantšho, feela ka mokgwa wola. Gomme o rile, “A o ka kgona go bala yeo?”

Ke rile, “Ee, mohlomphegi.”

O rile, “Mpalele yona.”

¹⁸ E bile le, oo, temana ka moka, e ka ba ka mokgwa *woo*. Ke thomile, ka e bala; o thomile go e gogela godimo, ka mokgwa *woo*, a eba go nokologa le go nokologa. O fihlile e ka ba ka mokgwa *wo*, ke eme. O rile, “Nka go botša selo se tee, o fetile masomenne.”

Ke rile, “Ee, yeo ke nnete, kgale ke e fetile.”

¹⁹ O rile, “A o e dirile bjang?” O rile, “Leihlo la motho, ka tlhago, ge o fihla bogolo bja mengwaga ye masomenne, boka moriri wa gago o eba wo mopududu, le go ya pele, ntaka e a hunyela.” O rile, “Bjale, ge o ka phela botelele go lekanelo, yeo e tla tla morago gape.” O rile, “Pono yela ya bobedi, ba e bitša. Eupša,” o rile, “motho, e ka ba bogolo bja mengwaga ye masomenne, ka nnete ba tla . . .” O rile, “Ga se gona sa phošo ka mahlo a bona.”

²⁰ Ke kgona—ke kgona go bona moriri ge eba o letše mo lebatong, go o tloša go nna. Eupša tla kgauswi le nna... Gomme o rile, “Bjale, o bala Beibele ya gago,” o rile, “o e kgoromeletša kgole le wena.” O rile, “Morago ga nakwana, letsogo la gago ga le ye go ba le letelele go lekanelo, go fihla o sa kgone—kgone go e iša kgole go lekanelo go e swara.”

²¹ Gomme kafao o ntiretše para ya digalase, gomme karolo ya botlase o a kgona, ke ya go bala. O rile, “Bjale, ka phuluphithing ya gago...” O naganeng ke be ke le yo mongwe wa bareri ba fa ba go hlomphega, le a tseba. Gomme kafao o boletše gore... o... Karolo ya bogodimo e no ba galase ya setlwaedi ya lefastere, feela galase ya setlwaedi. Gomme karolo ya botlase e ne mohuta tsoko wa tšilo ka go yona, woo ke kgonago go e bala bokgauswi, le a tseba, ka mokgwa *woo*. Kafao ke no hloya go di apara; ke a dira.

²² Gomme bjale, ka go thuto ya Beibele, ke ne Testamente ye Mpsha bošegong bjo. Kafao e... Ke swere Testamente ye Mpsha ya Collins gomme e ne mongwalo wa bokoto bja gabotse. Eupša bjale, ge ke eya morago go ye nngwe yela, n—n nka no swanela go ya go bona bankane ba kgale, le—le mohuta wa go bala go di kgabola. Eupša e ka ba eng e lego, ke—ke thakgetše gore ke ne se sengwe ke—ke sa kgonago go se bala. Gomme—gomme—gomme e ka ba eng ke e swerego, ke ya go fa yo mongwe le yo mongwe se sengwe le se sengwe ke kgonago, go letago la Modimo, ke holofela gore O tla tloša leswao lela la bogolo. Nka se kgone go Mo kgopela go tloša bogolo bja ka. Ke... Ya, seo e no ba selo se tee bohole re swanetše go se dira. Re swanetše go ya go kgabola seo. Gomme ke a tseba ga ke mošemane yo monnyane boka ke be ke le, ke eme fa mo sefaleng. Ke bogolo bja mengwaga ye masomenne seswai. Gomme no naganang, mengwaga ye mengwe ye mebedi, ke tla ba bogolo bja mengwaga ye masometlhano, Ngwanęšu Mike.

²³ Nna, ga ke e kgolwe! Ke no... Ga sa nka ka tseba gore ke be ke fetile masomepedi go fihla e ka ba mengwaga ye mebedi ya go feta. Yeo ke nnete. Yeo ke nnete. Ke no... Ga se ke e kgolwe. Gomme efela ke—ke... Go thata go nna go dumela go fihla ke lebeletše ka galaseng, gomme gona ke—ke a tseba ke yona, gona. Eupša—eupša feela go lebeleleng, ke no ikwela feela gabotse boka nkile ka ikwela ka bophelong bja ka, ke leboga bakeng sa seo, le sona. Tumišo yohle e be go Modimo.

²⁴ Bjale, re ithuta Puku ya Bahebere. E bile... Oo, e bile ye nngwe ya tše di tebilego kudu, Dipuku tša go huma kudu tša Beibele. Ke a le botša, ke Puku yeo ka kgontha e tla go... Ge Modimo a dumelela, gomme re no theogela ka go ye, ke a dumela re tla hwetše lehumo la gauta go fihla re tla no goeletša ditumišo tša Modimo nako yohle. Gomme bjale ke...

²⁵ Puku ya Bahebere, ka kgontha se E lego, E akanyetšwa go be e ngwadilwe ke Mokgethwa Paulo, mohlarlamolli yo mogologolo

wa Beibele, ke a thanka, lefase le kilego la ba le yena, ka ntle ga wa rena Morena Jesu Kriste. Gomme Paulo o be a aroganya... Bjale, Paulo o be a le morutiši wa kgonthe wa Beibele; ke gore, Testamente ya Kgale. Ke Puku e nnoši e bego e ngwadilwe nako yeo, e biditšwego Beibele. Gomme o be a leka go laetša Bahebere, a aroganya Testamente ya Kgale le go bontšha Testamente ya Kgale go beng moriti goba sekai sa ye Mpsha.

²⁶ Thwi fale re ka kgona go betha mothalo wa gae le go dula dikgwedi tše tharo thwi fale go kgopolole yela e tee, thwi fale. Go yeng morago thwi, ge re ka kgona go phetla ka go Dibeibebe tša rena bjale, nnete ge go Bahebere, tema ya 1. Eupša re tla phetla go Kutollo, tema ya 12, le tla e bona ka phethagalo gape, meriti gakaakang. Ge...lena bao le swerego diphensele gomme le yago go ngwala Mangwalo. Ka go Baheb-...

²⁷ Ka go Kutollo 11, re hwetša gore Johane, mo sehlakahlakeng sa Patimo, o bone mosadi a eme mo sebakabakeng, gomme o bile le letšatši hlogong ya gagwe le ngwedi ka tlase ga maoto a gagwe. Gomme mosadi o be a šokwa, ka ngwana go belegwa. Kafao o belege ngwana wa monna. Trakone ye khubedu e eme, go metša ngwana ka pela ge a se no belegwa. Gomme ngw-ngw ngwana o ile a ubulelwa godimo ka Legodimong, gomme mosadi o tšhabetše ke lešokeng, moo a ilego a fepša lebaka la nako, nako, le seripa sa nako, goba go arolweng ga nako.

²⁸ Bjale, mosadi o be a emetše kereke, gomme Ngwana yoo a mmelegego e be e le Kriste. Ngwedi ka tlase ga maoto a gagwe e be e le molao, letšatši hlogong ya gagwe e be e le mogau. Dinaledi tše lesomepedi go mphaphahlogo wa gagwe e be e le baapostola ba lesomepedi. Gomme fao ke moo, go se... Baapostola ba lesomepedi ba be ba le letago goba go rwešwa mphaphahlogo ga Testamente ye Mpsha. Le a bona? "Gobane ga go metheo ye mengwe e ka go bewa go feta woo o šetšego o beilwe." Le a bona? Ona, Motheo, te-te Testamente ye Mpsha, baapostola, Thuto ya baapostola, le go ya pele, ke mphaphahlogo wa motheo wa Testamente ye Mpsha. Gomme gona go...

²⁹ Ngwedi ke moriti wa letšatši. Letšatši le no bonagatša seetša sa lona ge le le ka morago ga lefase. Gomme ngwedi o fa seetša, go sepela ka sona, mo bošegong. Gomme a seswantšho se sebotse re nago sona fa, seswantšho se sengwe se sebotse: letšatši le emela Kriste; n-n ngwedi o emela Kereke. Ba no ba boka monnamogatša le mosadimogatša. Gomme mo go se beng gona ga Kriste, Kereke e bonagatša Seetša se sennyane, Ebangedi. Gomme e-ke Seetša go sepela ka go sona go fihlela Morwa a hlaba gape, gona Kereke le Morwa, ngwedi le letšatši, di hlakana mmogo. Le a bona? Ngwedi ke karolo ya letšatši, gomme Kereke ke karolo ya Kriste. Gomme ge Kriste a se gona, Kereke e bonagatša Seetša sa Gagwe. Gomme gona ka kgonthe bjalo ka ge re bona ngwedi o tagile, o a tseba letšatši le tagile felotsoko.

Gomme ge feela Kereke e bonagatša Seetša sa Kriste, Kriste o a phela felotsoko. Amene. Naganang ka yona.

³⁰ Bjale, molao o be o le sekai sa mogau, eupša molao o be o se ne maatla a go phološa ka go ona. Molao feela o be o le . . . Molao o be o le lephodisa. Lephodisa le go lahlela kgolegong, eupša, le a bona, go tšere mogau go go ntšha kgolegong. Le a bona?

³¹ Kafao Madi a Kriste, Ebangedi, a re lokolla go tšwa sebeng. Molao o no re dira badiradibe. Molao o rile feela, “O modiradibe. O se ke wa utswa. O se ke wa dira bootswa. O se bee bohlatse bja maaka.” Le a bona? Ke lephodisa leo le rego o phošo gomme o molato. Eupša Ebangedi ke ditaba tše botse. Kriste o hwile go re phološa go tlogeng go melato ya rena yohle, dikarogo tša molao. Kriste o hwile go re ntšha.

³² Bjale, Paulo, ka pela ge a se no sokologa, ga se nke a eletšana la seminari e ka ba efe, ga ešita ga se a eletšana le modiredi e ka ba ofe. Eupša a le lemogile? O ile tlase ka Arabia, gomme o bile fale mengwaga ye meraro, ka Arabia. Bjale, ye ke, go ya ka kgopolo ya ka, gore . . .

³³ Bjale, re swanetše go hwetša bokamorago bja se, gore re tle re tsebe ka fao go lego mohola ka gona. Gomme thuto ya mathomo, bošegong bjo, re tsea bokamorago bja rena.

³⁴ Bjale, Paulo o be a le morutiši wa Beibele yo mobjalo, gobane o be a rutilwe ka tlase ga yola yo mogolo, Gamaliele wa go tuma nako yohle. Gomme o be a le yo mongwe yo mokaonekaone a tsebjago wa letšatši, morutiši yola yo mogolo wa molao le baprofeta. Kafao, Paulo o be a rutegile gabotse go dilo tšela.

³⁵ Gomme gona ke mo rata ka mokgwa wo, kutollo ye kgolo ye, go beng go botega ka pelong ya gagwe, mmolai, o be a dumelanelane le lehu la Stefano gomme o bone Stefano a ehwa ka tlase ga maswika le makolonkota a go kgatlweng go hwa. Ke nagana go swanetše go amile Paulo ge a bone Stefano a phagamišetša diatla tša gagwe Legodimong, gomme o rile, “Ke bona Legodimo le bulega. Ke bona Jesu a eme seatleng se setona sa Modimo.” Gomme o rile, “Tate, se ba balele molato wa sebe se.” Gomme a robala.

³⁶ A le lemogile seo? Ga se nke a hwe. O robetše. Feela boka . . . Ga ke dumele o kile a ke a ikwela leswika le lengwe. Feela boka lesema mo seropeng sa mmagolona, le robala, Stefano o robetše ka matsogong a Modimo.

³⁷ Go ne se sengwe, ka ga Paulo, seo se mo amilego. Gona o, monna e ka ba mang ka tlase ga go kgolwa, a leka go E Iwantšha, o pshikologela godimo go moprista yo mogolo gomme o hwetša mangwalo tsoko. O rile, “Ke tla golega batho bohle bale bao ba dirago lešata lela lohle, le bakgelogi bale;” ba ba bego ba tšeiva, se re ka se bitšago lehono, “lehlanja la senganga” tsoko, goba se sengwe boka seo, ba dira lešata le lentši le go hlola tšašarakano. “Re tla no ya tlase le go e ruma.”

³⁸ Gomme tseleng ya gagwe go theoga, ye nnyane ya kgale . . . e sego tselalephefo ye kgolo boka re sepelago. Gomme tšona ditsela ka Palestina, feela mehlala ye mennyanne, boka mohlala wa kgomo go kgabola dithokgwa moo dikgomo, le dinku, le dipere, le ditonki, le dikamela, di ile ka kua ga dithaba.

³⁹ Gomme Paulo, mo tseleng ya gagwe go theogela Damaseko, e ka ba sekglela, letšatši le lengwe, Seetša se segolo se phadimela fase gomme se mo rathetše fase. Ga a gona a Se bonego eupša Paulo. Ke nyaka le lemoge seo. Gomme thwi fa, se ga se sa bomotho bjale, eupša feela gore re hlahlela ka go bokamorago bjo. Gore le tsebe gore Jesu yola wa go swana . . .

⁴⁰ Bjale, ge A be a le fa lefaseng, O rile, “Ke tšwa go Modimo, gomme Ke ya morago go Modimo.”

⁴¹ Bjale, ge A be a hlahla bana ba Israele, O be a le Pilara ya Mollo. Gomme O ile a dirwa nama, morago O boetše morago go Pilara ya Mollo yela ya go swana. Gomme ge A kopana le Paulo tseleng go ya Damaseko, O be a le Pilara yela ya Mollo, Seetša sela, le a bona, Seetša se segolo. Gomme Paulo o rile, “Ke Eng yeo ke e hlomerego?”

⁴² O rile, “Ke nna Jesu, Yo o mo hlomerego,” Seetša. Oo, a Yena ga a makatše? [Phuthego e re, “Amene.”—Mor.]

⁴³ Gomme Yena šo, bošegong bjo, thwi fa le rená. O bile le seswantšho sa Gagwe se tsewa thwi fale, Selo sa go swana, le a bona, Pilara ya Mollo, Seetša, go no swana le ge A be a le, “Wa go swana maabane, lehono, le neng le neng.”

⁴⁴ Bjale banna ba ba bego ba ne yena ga se ba bone Seetša sela, eupša Se be se le gona feela go swana. Dipoelo di fa go swana.

⁴⁵ Bjale, a go a kgonega gore—gore yo mongwe a kgone go bona Kriste ka moagong wo gomme gwa se be motho gape go Mmona? Kgonthe. Go diregile fale.

⁴⁶ Go diragetše gape bošegong bjo bongwe ge Petro a le kgolegong. Gomme Seetša sela se tlile ka gare ga kgolego, gomme se kgwathile Petro, gomme o sepetshe thwi hleng le mohlapetshe wa ka gare, mohlapetshe wa ka ntile, sepeletše hleng le keiti, keitikgolo, le keiti ya toropokgolo. Petro o rile, “Ke swanetše go be ke be ke lora.” Eupša o lebeletše gohle, eupša Seetša se be se ile; Kriste, sela sa Gosafelego, Seetša sa neng le neng. Yena šole. Bjale, tseleng go theogela . . .

⁴⁷ Gomme lebelelang, selo se sengwe, ge re ka bolela ka se, se no tla monaganong wa ka. Eupša banna ba bohlale bao ba latetše Naledi, tsela yohle go tloga India, ka Bohlabela, dikgwedi, ba etla go kgabola meedi le maganata (fetile godimo ga mafelobohlapetshe; gomme ba bolokile nako ya bošego ka dinaledi) gomme ga go rahistori goba e ka ba mang a kilego a ke a bolela ka ga go tsoge a bone Naledi yela eupša banna ba bohlale. Go be go no beelwa bona go E bona.

⁴⁸ Kafao o ka bona dilo tše moisa yo mongwe a ka se di bonego. Go wena, Ke kgonthé. Go yena, ga ba kwešiše. Feela boka tshokologo; o ka sokologa le go ipshina ka ditšhegofatšo tša Modimo, go no—go no nwa ka go ditšhegofatšo tša Modimo. Gomme moisa wa go latela, a dutše hleng le wena, “Ga ke bone selo.” Le a bona? Le a bona? Yeo ke yona. “Ga ke e hwetše. Ga ke bone e mabapi le eng.” Gabotse, o no se E hwetše. Ke phetho. Moo, o lego.

⁴⁹ Hlokamelang bjale, Paulo tseleng ya gagwe go theoga. Gomme ka pela ge boitemogelo bjo bogolo bjo bo diragetše go yena... Bjale, o be a se a kgotsofala... Ke seo se dirago Paulo gabotse kudu.

⁵⁰ Bjale, thuto ya rena bošegong bjo ga se ya teba. Ke thuto ya go se iše, eupša, oo, re tla tsena ka go ya go teba, ka morago ga nakwana. Eupša ye ke thuto ya go se iše, eupša e no ba go thomiša. Gomme se e lego, ke selo se sengwe, seo ke go phagamiša Jesu Kriste. Paulo, go thoma.

⁵¹ Gomme pele e ka dira se, Paulo o be a le serutegi sa Beibe. Gomme serutegi sa Beibe se ka se tsoge sa thekga thuto ya sona godimo ga maitemogelo. Aowa, mohlomphegi. Ba ka se tsoge ba thekga thuto ya bona godimo ga boitemogelo. O ka ba le mohuta e ka ba ofe wa boitemogelo. Eupša bo swanetše go ba O RIALO MORENA. Nnete.

⁵² Bjale, ka go Testamente ya Kgale, ba bile le ditsela tše tharo tša go fapano ba kgonago go tseba molaeša. Ya pele, molao, woo e be e no ba molao. Morago, ba bile le mo—mo moprofeta; molori; gomme ba bile le Urim Thummim. Bjale yeo e ka no ba go teba gannyane.

⁵³ Urim Thummim e be e le sephemafega seo Arone a se aperego sehubeng sa gagwe. Ka fale go be go ne matlapa a lesomepedi: jasepere, saritis, khabanakele, le go ya pele, go theoga. Ba bile le matlapa ohle a magolo a lesomepedi, ao a bego a le ka go sephemafega, go bontšha gore o be a le moprista yo mogolo wa moloko wo mongwe le wo mongwe, meloko ye lesomepedi ya Israele. Sephemafega se se lekeletše go kokwane ka kerekeng. Gomme ge moprofeta a profetile, gomme ba nyakile go ba kgonthe o be a nepile, goba aowa, baprofeta goba balori ba eme pele ga Urim Thummim ye, gomme o boletše toro ya gagwe goba pono ya gagwe, e ka ba eng a e bonego. Gomme ge Seetša se Sekgethwa... Oo, a le a e bona? Modimo ka mehla o dutše sekgaong sa kagodimogatlhago. Tswakatswakano, dietša tšela, di be di no ba tša mehleng go fihlela segalontšu sela se ile pele. Gomme segalontšu se bethile matlapa ale, ge eba e be e se kagodimogatlhago, se ituletše tuu. Eupša ge eba e be e le kagodimogatlhago, Dietša tšela tšohle di bonagaditše mmala wa molalatladi mmogo. Amene. Gona, yoo e be e le Modimo a

bolelago, "Yoo ke moprofeta wa Ka." Goba, "Toro yeo e tšwa go Nna." Go be go le go ya ka Urim Thummim yeo ba bego ba ahlola.

⁵⁴ Le elelwa Saulo ge a be a kgelogile? O rile ga se a kgone go ba le toro. Gomme moprofeta, Samuele, o be a hwile, gomme go be go se tsela. O rile, "Ebile le Urim ebile e ka se bolele le nna." Ga go selo. Saulo o eme pele ga Urim, gomme mantšu a gagwe a be a hwile nya. Le a bona? Modimo o be a mo ganne. Gomme Urim Thummim yela, yeo e be e le bohlatse bja Arone bja boprista bja gagwe. Ka morago ga ge Arone a sepetše, Moshe, po—po polata e lekeletše kokwaneng.

⁵⁵ Bjale, boprista bja Arone bo kgaoditswe ge Jesu a ehwa. Gomme bjale, go aroganyeng molao go tšwa go mogau, re sa ne Urim Thummim. Gomme Paulo o be a E šomiša. Le a bona? Urim Thummim lehono ke la Modimo la Gosehwe, Gosafelego, Lentšu la neng le neng. Le a bona?

⁵⁶ "Gobane e ka ba mang a tlošago go tšwa Pukung ye, goba go oketša e ka ba eng go Yona." Ga ke nyake selo ka ntile ga Yona, eupša ke nyaka sohle E se swerego. Yeo ke Kereke ye re e nyakago. Gomme dilo tšohle di swanetše go netefatšwa ke Lentšu.

⁵⁷ Leo ke lebaka ke tšere go šitwa e se kgale magareng ga batho ba Pentecostal, gobane, go re, "Ga ke kgone go kwešiša moo oli e kitimago go tšwa diatleng tša lena, goba madi go tšwa sefahlegong sa lena, e bile leswao le bile le Moya wo Mokgethwa." Seo ga se ye ka Lengwalo gomme ke—ke no se kgone go e tšea. E swanetše go tšwa go Lentšu.

⁵⁸ Gomme bjale, Paulo, o nno rata Lentšu. Kafao, pele a ka tsoge a hlatsela boitemogelo bjo bogolo bjoo a bilego le bjona bjo, o ile tlase ka Egepeta lebaka la mengwaga ye meraro. Ke a dumela e bile mengwaga ye meraro, mengwaga ye meraro tlase ka Egepeta. Gomme le a tseba ke eng ke dumelago o e dirile? Ke a dumela gore o tšere Testamente ya Kgale, gomme o puruputšitše go kgabola Testamente ya Kgale, gomme o hweditše gore Yola ka kgonthe e be e le Mesia ka go phethagala. O be a swanetše go netefatša boitemogelo bja gagwe ka Beibele. Amene. Oo, nna!

⁵⁹ Mo lebeleleng ge a be a le kgolegong. Le a hlokomela, go ne—se sekgala sa bophelo bja Paulo moo a bilego ka kgolegong fale lebaka la nako e telele. O ngwadile Puku ya Baefeso. O ngwadile Lengwalo la Bahebere. Le a bona? O bile le nako. Modimo o mmeile kgole godimo fale ka kgolegong, gomme o ngwadile Mangwalo a go dikereke. Le tee go kereke ya Efeso. O ngwadile le lengwe go kereke ya Pentecostal, o bile le mathata a mantši le bona. Kereke ya Pentecostal o bile le mathata a mantši le yona go feta e ka ba mang yo mongwe. O sa ne ona. Eupša o be a leboga bakeng sa bona. Selo se nnoši a kgonnego go ba ruta . . . Ge ba etla ka gare: o tee o bile le leleme, o tee o bile le pesaleme, o tee o bile le go ikwela, o tee o bile le maikutlo. Ga se a kgone go bolela, go bolela le bona, "Tšhireletšo ya gosafelego." Ga se a

kgona go bolela le bona, “kgethelopele.” Ga se a kgone go bolela le bona, ba be ba le masea. Bohle ba swanetše—ba swanetše go ikwela se sengwe, goba go bona se sengwe, goba go ba le maikutlo a sa tlwaelegago, le, goba se sengwe go ba dikologa, bohlatse bo rilego.

⁶⁰ Eupša ke a dumela, ge a boletše le Baefeso, o kgonne go bolela ka, “Modimo o re kgethetšepele go barwa le barwedi, le go re bea bjalo ka bana ka go Jesu Kriste pele ga motheo wa lefase.” Lebelelang seo. Nna!

⁶¹ Mo šetšeng a etla godimo ka go Puku ya Baroma, le go ya pele. Ba be ba godile. Oo, ba boletše ka maleme, kgonthe, gomme ba bile le maswao a Moya wo Mokgethwa magareng ga bona. Eupša ga se ba dire dithutwana, le maikutlo, le meroromelo ye mennyane, le maikutlo a sa tlwaelegago.

⁶² Paulo o rile, “Le—le—le ya go feteletše ka yona. Mola le swanetše go ba le ruta, le sa le masea gomme le swanetše go ba le maswi.”

⁶³ Bjale, seo ke se ka mehla ke lekilego go lweša tabarenakele ye go ba sona, e sego seholpha sa masea. A re beng ba ba godilego. Emang mo tseleng. Oo, nna! Ke lena bao.

⁶⁴ Kafao, Paulo o ya tlase fale, sa pele, go bona ge eba boitemogelo bja gagwe bo nyalelana le Beibele ya Modimo.

⁶⁵ Oo, a go ka se be go makatša, lehono, ge batho feela ba dirile seo gape, ge eba re dirile boitemogelo bja rena go nyalelana le Beibele ya Modimo? Ge bo sa dire, gona boitemogelo bja rena bo fošagetše; ga bo thumaše ka go Urim Thummim. Ge eba bo thumaše ka Fale, amene, o a tseba o ne Ona. Eupša ge bo sa dire, tše dingwe . . . ga ke kgathale e bogega gabotse bjang, e bogega kgothe bjang boka e be e le nnete; ge dietša tšela di sa thumaše go Urim Thummim, bo be bo fošagetše.

⁶⁶ Gomme ga go kgathalege ke boitemogelo bjo bontši gakaakang o bileygo le bjona, bo bonagetše go ba kgonthe gakaakang, bo tlišwa gakaakang, bo go rutega gakaakang, ke sebetša se segolo se lego go thopa disoulo; ge se sa thumaše ka go Lentšu, se fošagetše. Nnete. Bo swanetše go lokologana le Lentšu.

⁶⁷ Bjale, ke dumela go . . . go ne bogare bja tsela. Tsela, bjale, bontši bja dinako. . . . Ke be ke fela ke eya kerekeng ya Nazarene. Morena a šegofatše batho bale ba go ratega. Ba fešene ya kgale, Mamethodist a a hlwekišitšwego ke se ba lego; church of God, Nazarene, Pilgrim Holiness, le tše dintši tša dikereke tšela tša go loka tša kgale tša bokgethwa. Gomme ba be ba fela ba opela pina:

Ke sepela go tselalephefo ye botse ya kgale,
 Go anega mogohle ke yago,
 Bokaone ke be Mokriste wa nako ya kgale,
 Morena,
 Go feta e ka ba eng ke e tsebago.

⁶⁸ Gabotse. Go a makatša. Gomme gona ba be ba fela ba bolela ka tselalephefo ya bokgethwa. Bjale, ge le ka bala godimo ga seo, ba hwetša seo go tšwa go Jesaya, tema ya 35. Bjale, ge eba le hlokomela, o rile, “Go tla ba le tselalephefo, *le tsela*.”

⁶⁹ Bjale, *le* ke lekopanyi. Le a bona? Tselalephefo, e be e se tselalephefo ya bokgethwa. “E tla ba tselalephefo, *le* tsela, gomme e tla bitšwa, ‘Tsela ya bokgethwa,’” e sego tselalephefo ya bokgethwa. “Tsela ya bokgethwa!” Gomme tsela ya mmila ke bogare bja mmila. E agilwe ka mokgwa *wo* gore meetse a gogole magogodi, go bobedi bja mahlakore, go boloka mmila o hlwekile. Ga o, o ba le dintotomana di eme mmileng wa gago, nako yohle, ge e se ya agwa gabotse. “Tsela” ke bogare bja mmila.

⁷⁰ Bjale, ka go lehlakore *le*, ge batho ba sokologa, menagano ya bona e bewa gabotse go Kriste. Gomme ge eba ba no ba go rutega gannyane, gomme ba sa boloke ka tlase ga thapelo, ba tla ba go tonya ka kgonthe, le go thatafa, le go ba bonganga, le go fapania. Gomme gona ge eba ba no ba go tšhoga gannyane nthathanha, ge le sa šetše, ba tla no ba bongangele le go se thapisege, ka lehlakoreng *le*, le a bona, ba ya go maikutlo le se sengwe le se sengwe.

⁷¹ Bjale, eupša, Kereke ya kgonthe ke Ebangedi ya go felela kgopololo, thwi ka bogareng bja mmila. Ga e tonye le bonganga, e bile ga se bohlanya. Ke ya go loka ka kgonthe, ya kgale, Ebangedi ye borutho, ya lerato la go kwewa ka pelo la Modimo, e eya thwi go theoga bogare bja mmila, e bitsa go tšwa mahlakoreng bobedi. Yeo ke nnete. Bjale seo ke se... Gomme o ya go tsena bjang Kerekeng yeo? Thwi go tšwa Lentšung, Urim Thummim.

⁷² Bjale, Paulo o nyakile go tliša kereke ye thwi mo bogareng bja mmila, kafao o ile le go ithuta mengwaga ye meraro go Mangwalo ao a a tsebilego. Kagona, Paulo o ngwadile karolo ye kgolwane ya Testamente ye Mpsha ye. Modimo o bile le yena a dire seo gobane e tla go lebaka la Bantle. Mateo, Mareka, Luka, le Johane, Diebangedi tše nne, e be e le Bajuda. Eupša Paulo o ngwadile bontši bja mangwalo.

⁷³ Bjale hlokomelang, bjale, re ya go thoma go hwetša bokamorago bjo bjale, moo a lego, go Le ngwala, go tšwa kgolegong. Gomme o bile le boitemogelo bjohle bjo. Eupša, sa pele, boitemogelo bjo sa pele bo netefaditšwe, gomme le ke lengwalo sekgonyo sa gagwe go yona. Le ke lengwalo sekgonyo la gagwe. Baroma le Baefeso, le go ya pele, ba ne lefelo la bona, eupša le ke lengwalo sekgonyo.

⁷⁴ Bjale, temana ya 1 ka moka, e, phagamiša Jesu, le go Mo aroganya go tloga go beng moprofeta. Woo ke morero ka moka bjale. Ke tla leka go e tliša feela ka pela ge go kgonega, gore re se tsee botelele kudu. Morero ka moka, ke, go aroganya ye mpsha tem- . . . ye mpsha . . . Temana ya 1, e, aroganya Jesu go tloga go moprofeta e ka ba ofe, goba molao e ka ba ofe, goba go ya pele, le go bontšha Yo Jesu a lego. Bjale lebelelang, “Modimo.” Re a thomiša, lentšu la mathomo, “Modimo.”

Modimo, mo kgal- . . . yo dinakong tša kgale . . .

Kgale go ra “bogologolo,” nakong ya morago.

. . . dinakong tša kgale le ka mekgwa ya go fapan a boletšego nakong ya go feta le botate ka baprofeta,

⁷⁵ Bjale, le a bona, “Modimo, dinakong tša kgale, bogologolo, O boletše le botate ka baprofeta.” Ke ka fao A bego a swanetše go fa Molaetša wa Gagwe, ka moprofeta wa Gagwe.

⁷⁶ Modimo o be a tla romela moprofeta boka Eliya, Jeremia, Jesaya. Gomme ge le ka hlokomela, ga se nke ka go histori yohle ya lefase, kereke e kilego ya ke ya tšweletša moprofeta. E puruputšeng ka go Testamente ya Kgale, Testamente ye Mpsha, goba ka go letšatši le, ka go letšatši la moragorago. Mpontšeng moprofeta e ka ba ofe a kilego a tsoga go tšwa go kereke mo letšatšing la mafelelo. Mpontšeng yo motee a kilego a tsupologa, ntle. Gomme mpontšeng nako e tee moo moprofeta, mohlanka wa kgontha wa Modimo, yoo tshepedišo ya bokerekibja lefase e sa nkago ya mo tšwa.

⁷⁷ Nno naganang ka yona. Jeremia, Jesaya, bohole go theoga Testamente ya Kgale, ba a e tšwa. Jesu o rile, “Le botsefatša mabitla a baprofeta le go a dira a mašweu, gomme le ba beile ka fale.” Yeo ke nnete.

⁷⁸ Kereke e tšwetša seo pele. Lebelelang Mokgethwa Patrick. Lena batho ba Katoliki le a mo tleleima. Ga a bontši Mokatoliki go feta ke le. Yeo ke nnete. Eupša le a mo tleleima.

⁷⁹ Lebelelang Mokgethwa Francis wa Assisi. Mo tleleima. Ga a bontši Mokatoliki go feta ke le.

⁸⁰ Lebelelang Joan wa Arc. Le mo tšhumile mo koteng, bjalo ka moloi, gobane o bone dipono gomme a le wa semoya. Mo tšuma mo koteng. Gomme mosadi yola a goeletša bakeng sa kgaogelo, gomme ba mo tšhumile mo koteng. E ka ba mengwaga ye lekgolo moragorago, ba hweditše gore o be a le moprofetagadi. O be a le mohlanka wa Modimo. Oo, ka nnete, le dirile kotlo ye kgolo: le epolotše mmele wa baprista gomme le ba lahletše ka nokeng.

⁸¹ “Le botsefatša mabitla a baprofeta, gomme le ba beile ka fale.” Nnete. Tshepedišo ya bokerekibja se nke e tsoge ya tšweletša monna wa Modimo; ga se e tsoge ya dira, ga se e dire lehono, gomme e ka se tsoge. Bodumedi bja go kgatlofatšwa ga se nke bja tsoge bja ba morero wa Modimo.

⁸² Kereke ya kgalekgale ya go kgatlofatšwa ka lefaseng ke kereke ya Katoliki; Luther, ya bobedi; morago go tla Zwingli; ka morago ga Zwingli, go tla Calvin; Calvin, pele, Anglican, Maanglo Saxon a tšere, morago kereke ya Anglican; le Kgoši Henry wa Boseswai, ge a gwabile, le go ya pele; gomme pele go theoga go Methodist ya Wesley, le Manazarene, Pilgrim Holiness; le pele go theoga go ya mafelelo, Pentecostal, bohole ba kgatlofaditšwe. Gomme Beibele e ruta pepeneneng gore kereke ya Katoliki ke mo—mo mosadi wa tumompe, gomme dikereke tša Protestant le mekgatlo ya tšona ke barwedi, Kutollo 17. Yeo ke nnete tlwa. Kafao bona ke . . .

⁸³ E sego batho, bjale. Go ne ba go loka ka go dikereke tšona tšohle; ba go kgethega, batho ba ba pholosítšwego. Eupša Modimo ga a bitše batho ba Gagwe ka mokgatlo. O ba bitša bjalo ka motho ka motho. Modimo o mekamekana le motho ka motho, ge eba o Methodist, Baptist, Protestant, le Katoliki, goba se o lego. Modimo, pele ga motheo wa lefase, o go tsebile, gomme o go kgethetšepele go Bophelo bjo Bosafelego, goba e ka ba o kgethetšwepele go tahlego ya Gosafelego. E sego . . .

⁸⁴ O be a sa rate gore o senywe, o tla senyega. Eupša, Yena go beng tlhokamagomo, O be a swanetše go tseba bofelo go tloga mathomong, goba O be a se Modimo. Kafao Jesu ga se a ke a tla lefaseng go no re, “Gabotse, Ke tla bona ge eba yo mongwe a be kgaogelo . . . Ge Nka dira gomme ka hwa, ka tsela ye thata, ka kgonagalo ba tla nagana, ‘Gabotse, ke . . .’ Go tla—go tla kgodiša dipelo tša bona, gomme ba tla . . .” Modimo ga a sepediše taba ya Gagwe ka mokgwa woo.

⁸⁵ Jesu o tlide bakeng sa morero wo rilego, woo ke, go phološa bale ba Modimo, pele ga go thewa ga lefase, o tsebile ba tla pholoswa. O boletše bjalo. Yeo ke nnete. Kafao le . . . “Ga se yena yoo a ratago, goba yena yoo a kitimago; ke Modimo yoo a bontšhago kgaogelo.” Paulo o boletše seo. Monna wa go swana fa.

⁸⁶ O rile, “Ke ka lebaka leo Modimo o kgonne go bolela, pele Esau goba Jakobo e ka ba ba belegwe, O rile, ‘Ke rata yo motee gomme ke hloile yo mongwe.’” Pele ga ge e ka ba ofe wa bašemane a belegwa, Modimo o tsebile gore Esau o be a le wa dihlong, gomme O tsebile gore Jakobo o be a le . . . o ratile tokelotswalo ya gagwe. Kafao O tsebile, pele lefase le ka tsoge la bopega, ka yona. Bjale, re ya go hwetša mo motsotsong yola o be a le Mang yola a e tsebilego. Tema ye e e swere.

Modimo, . . . mo nakong *ya kgale* le ka mekgwa *ya go fapanā* a boletšego . . . le *botate* *ka baprofeta*,

Mo matšatšing a bofelo a bolela le *rena* *ka Morwa* *wa gagwe*, . . .

O dirile eng? “O boletše le *rena* mo matšatšing a a mafelelo ka *Morwa* *wa Gagwe*.”

⁸⁷ Bjale, le be le tla nagana bjang gona, gore, moprofeta o be a tla ba eng? A re be re ka ba le moprofeta gona wa letšatši le? Ka phethagalo. A A ka bolela ka renā? Kgonthē. Eupša yoo a... Baprofeta ba letšatši la kgale ba be ba le Moya wa Jesu Kriste.

⁸⁸ Bjale, a re otolleng seo, gobane ga ke nagane e nwelela gabotse. Bjale, se e no ba Sekolo sa Lamorena, kafao re nyaka go hwetša se se hlake. Le a bona?

⁸⁹ Hlokamelang. A re tšeeng Moya wa Modimo woo o bego o le ka go Moshe, ka phethagalo...ke moritipele wa Jesu Kriste. Baanegwa bohole ba Testamente ya Kgale ba dirile moritipele wa sefapano. Moshe, a belegwe ngwana wa paale, a utilwe ka mahlakanokeng, o tšerwe go batswadi ba gagwe, le go ya pele, gomme o be...O be a le kgoši, goba mo—mo moetapele, mofamolao, mmoelanyi, moprista. Se sengwe le se sengwe seo se bego se dirile moritipele Kriste.

⁹⁰ Lebelelang Josefa, a ratwa ke tatagwe, a hloilwe ke banabo, gomme a rekisitšwe e nyakile go ba dikarolo tše masometharo tša silibere. O lahletšwe ka mokoting, a tšeelwa go ba a hwile; a ntšhwa. Mo tlhomarong ya gagwe, mothoki o pholositšwe, gomme radinama o lahlilwe; mahodu a mabedi mo sefapanong. Gomme morago ge a tšwile, o phagametše godimo go tšwa go mokoti wola, gomme o beilwe seatleng se setona sa Farao, le legologolo la tša kgwebo...se—se—se setšaba se se fentsego lohle lefase ka moka. Gomme ga go motho a kgonnego go tla go Farao ntle le ge ba tlide ka Josefa; Jesu a dutše seatleng se setona sa Modimo, gomme ga go motho a kgonago go tla go Modimo ntle le ka Kriste. Gomme ge Josefa a tlogile teroneng le go ya ntle, banna ba ile pele ga gagwe, ba goeletša le go letša diphalafala, go kwagatša phalafala, ba re, "Khunamiša letolo! Josefa o etla."

⁹¹ Gomme ge Jesu a etla, phalafala e tla kwagatšwa, gomme letolo le lengwe le le lengwe le tla khunama, gomme leleme le lengwe le le lengwe le tla ipolela. Ee, mohlomphegi. Yena šole o be a le.

⁹² Gomme ge Josefa a hwile, o tlogitše segopotšo go bona ba ba bego ba letile khunologo.

⁹³ Ke beile seatla sa ka godimo ga khaskete ya kgale, e se kgale kudu, e be e dirilwe ka tshipi. Gomme mmele wa gagwe o be o swanetše go dula...mašapo a gagwe...O rile, "Le se mpoloke fa, gobane letšatši le lengwe, Modimo o ya go le etela." O be a le moprofeta. "Modimo o ya go le etela." Gomme o rile, "Ge le rotogela go naga ya tshepišo, tšeang mašapo a ka."

⁹⁴ Mohebere yo mongwe le yo mongwe wa kgale, ka mokokotlo wa go bethwa le go tlala madi, o kgonne go lebelela godimo ka go khasekete yela gomme a re, "Letšatši le lengwe, re ya go tšwa."

⁹⁵ Jesu o šiile segopotšo, lebitla le se nago selo. Letšatši le lengwe ge re eya godimo lebitleng, gomme baratwa ba renā, gomme re ekwa makokota a kgale a mannyane, ge ba re, "Melora

meloreng, lerole leroleng, le mobu mobung.” Eupša, ngwanešu, re ka lebelela go kgabaganya lewatle, go lebitla la go se be le selo. Letšatši le lengwe, re ya go tšwa fa. Re ya Gae. O etla. Se sengwe le se sengwe se be se kailwe.

⁹⁶ Lebelelang Dafida, a gannwe ke batho ba gagwe mong, a amogilwe bogoši ke batho ba gagwe mong. Go beng kgoši ya Jerusalema, o leleketswe ntle ga Jerusalema ke batho ba gagwe mong. Gomme o rotogetše Thabeng ya Mohlware, o lebeletše morago gomme o llile. O be a gannwe.

⁹⁷ Mengwaga ye makgoloseswai go tloga fao, Morwa wa Dafida, Kgoši ya Jerusalema, o dutše thabeng gomme o llile, gobane O be a gannwe.

⁹⁸ Wola e be e le Moya wa Kriste ka go Dafida. Yohle e dirile moritipele go sefapano. Bona baprofeta morago fale ba boletsé Leina la Gagwe. Ba phetše ka Leina la Gagwe. Ba dirile ka Leina la Gagwe. Kgonthé. “Modimo mo nakong ya kgale le ka mekgwa ya go fapano o boletségo le botate ka baprofeta, eupša mo letšatšing la bofelo ka Morwa wa Gagwe.”

⁹⁹ Kafao baprofeta le banna ba semoya, letšatšing le, feela ba bonagatša Kriste. Fale, ka molao ba eme, ba lebelela. Godimo fa ba a ema, ba lebelela morago ka tsela ye nngwe, ka mogau.

¹⁰⁰ Gore ka go Bahebere 11, tema ya mafelelo, ke be ke fela ke makalela seo. Ka go tema ya mafelelo, karolo ya mafelelo ya tema ya 11 ya Bahebere, ge a bolela ka Abraham. Tema ye kgolo ya tumelo, gomme mo bofelong, o rile, “Ba nenerile gohle ba apere matlalo a dinku le matlalo a dipudi, gomme ba be ba hloka, le go phaphologanywa. Ba nenerile gohle, go se lefelo go ya, ba hloilwe, le go nyatšwa, le go hlomarwa. Go bona, lefase le ga se la swanelwa ke batho ba babjalo.”

¹⁰¹ Morago Paulo o a ema gomme o rile, “Eupša ntle le rena ga ba phethagala.” Gobane ba lebeletše go sefapano, gomme re lebelela *ka* sefapano. Re ne Moya wa Kriste ka morago ga ge O bile nama ya motho le go dula magareng ga rena. Re tla fa ka Moya wo Mokgethwa, e lego peakanyo ye kaone go fetiša.

¹⁰² Gomme dinako tše dingwe ke a makala se Bokriste bo se letetšego lehono. Moreri a eya ka toropong o swanetše go ba . . . goba kereke tsoko ye mpsha goba taelo tsoko ye mpsha, a ipitsa moprofeta yenamong, o sepelela godimo fale, o re, “Gabotse, ge ba ka mpha bokaalo bjo bontši bja tšelete. Ge nka ba le koloi ye kaonekaone. Ge ba ka . . . Ge mogolo wa ka o ka hlatlošwa dikgwedi tše dingwe le tše dingwe tše tshela.”

¹⁰³ Re swanetše go ba le tše kaonekaone. Re swanetše go ba le magae a makaonekaone. Re swanetše go ba le diaparo tše kaonekaone. Ke eng re tla e dirago ge re ema ka bogoneng bja banna bale ba ba nenerilego, ka matlalo a dipudi le matlalo a dinku, go se lefelo go latša dihlogo tša bona, ba nenera gohle maganateng? Gomme ba bangwe ba kgonia go dira metlae ka rena

gomme re komana go tlogela kereke le go se sa ya morago gape. Se Bokriste bo se nyakago lehono. Re swanetše go lewa ke hlong renabeng.

O Modimo, re gaogelete.

¹⁰⁴ Mo letšatšing lela, O boletše ka baprofeta, eupša letšatšing le ka Morwa wa Gagwe. Lela e bile lentšu la moprofeta, fale. Le ke Lentšu la Morwa, lehono. Oo, a go šegofatšwe Leina la Morena!

¹⁰⁵ Ka mantšu a mangwe, ge eba o lebeletše go morithi, nekethifi, o ka dira bošaedi. Eupša Ye e hlatswitswe, seswantšho se hlakile. Lela e be e le ka moprofeta; le ke ka Morwa wa Gagwe. Lela e be e le ka nekethifi; le ke ka phosithifi. Amene. Le a le bona? Ga go ne sebaka go lahlegelwa. Ke selo se sephosithifi, letšatšing le ka Morwa wa Gagwe. Oo, go makatša bjang!

*...yo yena a mmeetšego mojabohwa . . . (oo, nna) . . .
mojabohwa wa dilo tšohle, . . .*

¹⁰⁶ E be e le eng? E be e le peelano. Oo, theetšang. O be a beetšwe, Kriste o be a le, mojabohwa wa dilo tšohle. Oo, diabolo o tsebile seo, go tloga serapeng sa Edene, le a bona, ge diabolo a kwele Lentšu lela fale letšatšing lela, ka go kahlolo ya batho bale. O rile, “Gobane o tšwa leroleng; o tla boela leroleng; gomme Peu ya mosadi e tla tlapiriganya hlugo ya sephente.” Peu ye e tshepišitšwego.

¹⁰⁷ Sathane kgafetša o šeditše bakeng sa Peu yela. Ge Abele a tswalwa, o rile, “Ke wena yoo, yeo ke peu.” Gomme o bolaile Abele. Morwa wa gagwe, Kaine, o bolaile Abele. Gomme ka pela ge Abele a hwile, o rile, “Ke hweditše peu.” O e bolaile. O rile, “Ke e hweditše.” Eupša, lehu la Abele, go belegwa ga Sethe e be e le tsogo gape. Šetšang ka fao ba tlogo go theoga.

¹⁰⁸ Mothaloo wola wa Sethe, o a theoga, wa go kokobela, monna wa moloki; gomme go theoga ka Henoge; pele go theogela go Noage, go bofelong bja tshenyego ya pele ga meetsefula.

¹⁰⁹ Lebelelang mothalo wa Kaine, ba ba batho ba ditswerere, dirutegi, saense. A Beibele ga e re . . . A Jesu ga se a re, gore, “Bana ba lefase le ba bohlajana go feta Bana ba Mmušo?” Lebelelang ka lehlakoreng la Kaine efela lehono: ditswerere, dirutegi, bakamaki, ba bodumedi kudu; le a bona, ba bodumedi kudu, eupša borasaense, baagi, banna ba bagolo.

¹¹⁰ Tšeang banna ba bagolo. Lebelelang Thomas Edison, banna ba bantši ba bagolo. Lebelelang Einstein, mabjoko a lefase, ba bitšwago, lehono, mabjoko a lefase. Eupša ga re leke go diriša mabjoko. Re dumelela Monagano woo o bego o le ka go Kriste go ba ka go rena, le go lebelela go Lentšu le, le go bitša leo bjalo.

¹¹¹ Dingaka tša kalafo, le ge re ba saluta ka e ka ba eng re nago, eupša bontši bja bale ke babelaedi, baphegamodimo. Lebelelang batho ba botswerere le bohlale lehono. Ba ka lehlakoreng godimo fale, lehlakoreng la Kaine.

¹¹² Eupša lebelelang ba go kokobela le boithobo. Tsogo ya lena šeo gape. Oo, a go šegofatšwe Leina la Morena. Ke lena bao. Hlokomelang.

... o mo dirile *mojabohwa wa dilo tšohle, ka yena gape o dirile mafase;*

Ke mang a dirilego mafase? Kriste. “Kriste o dirile mafase?” Ee, mohlomphegi. A re no yang pejana gannyane.

Yo a lego ka go phadimo ya letago la gagwe, le seswantšho sa tlhagišo sa bja gagwe bogona, . . .

Phadimo ya letago la Mang? Letago la Modimo. Seswantšho sa tlhagišo ya Bogona bja Mang? Bja Modimo. Oo, ke rata se!

. . . goba seswantšho sa tlhagišo ya bomotho bja gagwe, le go rwala dilo tšohle ka lentšu . . .

Ke lena bao. Lentšu, leo le hlomago dilo tšohle. Jesu o rile, ka go Mateo 24, “Magodimo le lefase di tla feta, eupša Mantšu a Ka a ka se tsoge a feta.” O rwala dilo tšohle.

¹¹³ Saense e leka go E nyenbefatša, le go re, “Ke Puku ya kgale. E fetolešwe.”

¹¹⁴ Ebile le kereke ya Katoliki ya Roma, Mopišopo Sheen o rile, “Yeo e fetolešwe makga a mane goba a mahlano a go fapano, gomme ga go bontši go Yona. O ka se phele ka Yona ge eba o swanetše go.” Eupša O rwala dilo tšohle ka Lentšu la Gagwe. Amene. Ke seo ke naganago ka Yona. Ke dumela Beibele.

. . . lentšu la maatla a gagwe, (go ne maatla ka go Lentšu), ge ka yenamong a hlatswitše dibe tša rena, . . . (lebelelang fa) . . . dutše fase ka seatleng se setona sa Borena godimo;

¹¹⁵ Paulo o leka go dira eng? O leka go laetša gore Modimo o rerile dilo tšohle ka go Kriste, gomme Kriste o be a le seswantšho sa tlhagišo sa Modimo. Tema ka moka go felela e mekamekane le ka fao gore Yena o be a le godingwana go feta Barongwa, godingwana go feta maatla ohle. Barongwa ba Mo khunametše. Paulo o be a leka go Mo godiša.

¹¹⁶ Bjale, ke nyaka go leka . . . Ge nka se fihle bokgojana e ka ba bofe go feta bjo, ka moka ga yona e no ba go godiša Kriste. Se Paulo a se bolelago godimo fa, boka ka go tema ya 11, le tšohle ka ga go boleleng ka lefase. O rile, “Ke Morongwa ofe—ofe A rilego, ‘Wena o Morwa wa Ka, letšatšing le ke Go tswetše?’” Le a bona?

¹¹⁷ “Bofelo bja lefase, ba tla senyega. Lefase le tla senyega. Eupša . . . Le dilo tšohle tša lefase di tla senyega. O tla ba fotla boka seaparo. Ba tla be ba tšofetše, le go phetholwa, le go ya kgole. ‘Eupša Wena o šetše. Wena o šetše neng le neng. Wena o Morwa wa Ka. Letšatšing le ke Go tswetše, gomme o ka se senyega, o dutše ka seatleng se setona sa Borena.’”

Seatla se setona go ra eng? Aowa, Modimo o ne seatla se setona seo yo mongwe a dutšego go sona. *Seatla se setona go ra “maatla le maatlataolo,”* o ne maatlataolo a se sengwe le se sengwe ka Legodimong le lefaseng. Gomme Magodimo le lefase lohle le dirilwe ke Yena.

¹¹⁸ Bjale, Mothaka yo mogolo yo ke Mang, Moisa yo mogolo yo, Kriste? Fa, Modimo ka go Tate, Morwa, le Moya wo Mokgethwa, ga se... Ke thrinithi, eupša E sego thrinithi ya batho. Ke thrinithi ya ofisi, ya Modimo o tee.

¹¹⁹ O be a le Tate a hlahla bana ba Israele. Yeo e be e le ofisi ya Gagwe, Jehofa Tate yo mogolo. Gomme O dutše lefaseng, a bitšwa Morwa. Gomme bjale O dula ka Kerekeng ya Gagwe, a bitšwa Moya wo Mokgethwa. E sego Badimo ba bararo; Modimo o tee ka diofising tše tharo: Tate, Morwa, le Moya wo Mokgethwa.

Batho ba leka go Mo dira Badimo ba bararo ba go fapania, Modimo Tate. Ke ka lebaka leo, Bajuda, o ka se tsoge wa kgona, o ka se tsoge wa tliša se go Mojuda, aowa, seo fao. A ka se kgone. O ne molao, gore, “Ke nna Modimo o Tee.” Go ne Modimo o tee a nnoši.

¹²⁰ Ka Afrika ba kolobetša mekgwa ye meraro ya go fapania: ba kolobetša gatee go Tate, le gatee go Morwa, le gatee go Moya wo Mokgethwa. Apostolic Faith mission, ba kolobetša makga a mararo, sefahlego pele, go lehu la Gagwe. Ba ba ba bitšago Full Gospel ka Lebopong la Bodikela, goba Lebopong la Bohlabela, ba kolobetša makga a mararo ka samorago, ba rile O... go poloko ya Gagwe.

Gomme o rile, “Ge A ehwa, O wetše pele.”

¹²¹ Yo mongwe o rile, “Ema. O boloka motho ka mokokotlo wa gagwe.” Feela mekgwanakgwana ye mennyanie ya kgale ya dilo, mola, bobedi ba fošitše; bobedi ba fošitše, go ya ka Lengwalo.

Ye ke Urim Thummim. E a e ruma.

¹²² Bjale, fa, a re no swantšhang seo gomme re bone se—se e bogegago boka sona, bošegong bjo. Sese sona, ge le nyaka go se bona. Ka go yohle e ka ba mengwaga ye masomepeditlhano ke bilego modiredi, ke ithutile seo. Gomme gantsi ke maketše ka dimpho ka kerekeng. Dimpho tšela ke eng? Seprefeto, go bolela ka maleme, tlhathollo ya maleme, kutollo Kgethwa, le go ya pele, tšohle tšela di tla ka Kriste.

¹²³ Bjale lebelelang. Kriste ke Hlogo ya dilo tšohle. Gomme Yena ke Hlogo ya Kereke. Gomme a le kile la ke la bona taamane ye kgolo? Taamane ye kgolo bogolo yeo e kgerilwego gabotse, e ne mekgero ye mennyanie e kgomotšwe go yona, e kgerilwe go yona. Seo se dira taamane ya go nepagala. Mekgero ke ya eng? Taamane ya kgonthe, ka tsela ye e tšwago, e tlapirigantswe; taamane ya kgonthe, ge e hwetšwa.

Ke bile ka Kimberley. Lena, bontši bja lena, bao le kwelego o ka topa ditaamane mokgotheng, yeo e nepile. Billy le nna, le Mna. Bosworth. Mopresidente wa meepo ya taamane ya Kimberley, tsea . . . O be a le ašara ya ka ka kopanong fale. Gomme ba re išitše godimo. Gomme feela go tšwa go . . . Ba di epa e ka ba, oo, e ka ba dikgato tše makgolo a lesomešupa ka tlase ga lefase. Di tšwela ntłe, letlapa le bolou, bolou bjo bogolo, boka letlapabolou le le le hwetšago tikologong fa. Gomme badudibasetlogo bale, ba ba bea dikgato tše makgolo a lesomešupa ka mobung, go di epa, go rotoša theko. O ka ya nokeng fale, ba ne yona e hlapeditšwe go makgolo a dimaele. Tše dipakete tše pedi tša dikalone tše lesome, o rile, gomme o e tope, e tletše ka—ka santa, gomme ge o ka kgona go fihla gae le yona, o ka ba radimilionemilione, go tla ba le ditaamane tše dintši kudu ka go yona. Eupša ba swanetše go šoma le go di epa, go rotoša theko go tšona.

¹²⁴ Bjale, taamane, ge e tšwelela, e no ba ye kgolo, ya go thelela, ya nkgokolo, boka, karolwana ya galase. Go ne taamane ye bolou, taamane ye ntsho, ye talamatala, le taamane ya go bonatša, taamane ye tšhweu. Eupša ge e tšwelela . . . Gona ge e dirwa le go dirišwa, go ne karolo ya taamane yela e swanetšego go lahlwa. Gomme e swanetše go lahlegelwa ke me—me mekgero go tšwa go yona. Tshetlola mekgero ye mennyane, gobane, ge e etla go lebana le seetša, ka mokgwa *woo*, e dira go benya. Mokgero, se se dirago phadimo, ka tsela ye ba e segago. E a segwa, go kgetlolwa, gomme morago, ge e dira, e dira go benya. Gomme e tee e tla ya seetša se setalamorogo, gomme ye nngwe e tla ya seetša se bolou, gomme mohlomongwe ye nngwe, seetša se setalamatala, le seetša se sehubedu. Gomme dietša tša go fapana di tšwa go yona, boka mmala wa molalatladi. Ba o bitša, “mollo ka go taamane.”

¹²⁵ Bjale, se sengwe le se segwe sa dietša tšela se emela dimpho. Eupša sona ke, feela, Kriste ke Taamane. Gomme O bile Yena Yo a tliego, gomme o tlapirigantšwe, le go gobatšwa, le go kgetlolwa, gore A ke a bonagatše Yanamong bjalo ka Seetša go lefase. Ke Yena Mong Taamane.

¹²⁶ A le kgona go eleletša, pele ebile go bile le lefase, pele go bile le seetša, pele go bile le naledi, pele go bile le e ka ba eng? Go ne Mothopo wo Mogolo o yago pele, wa Moya, gomme go tšwa go Mothopo wo go tlie lerato la go seká kudu, gobane go be go se selo go lona go tšwa go woo eupša lerato. Bjale, rena, se re se bitšago lerato, lehono, ke lerato le le fapogilego. Eupša feela boka re hwetša kgwekgwe, goba bonnyane nthathana bja lerato lela ka go rena, le fetola kelello ya rena ka moka.

¹²⁷ Morago go tšwa fale go tla moela wo mongwe, go tšwa go Mothopo wo mogolo wo, Taamane, gomme o biditšwe toko, toko ka phethagalo. Bjale, ke ka lebaka leo re be re swanetše go ba le molao. Ke ka lebaka leo molao o swanetše go ba le kahlolo. Ge go se kahlolo e latelago molao, molao ga o hole. Gomme ge kahlolo e fetišitšwe ke molao, o tlišago lehu, gomme ga a gona a gonnego

go lefela kotlo eupša Modimo Yenamong. Gomme O lefile kotlo ya lehu la rena, gomme o tšere dibe tša rena godimo ga Gagwe, gore re ke re be toko ya Modimo ka Yena.

¹²⁸ Bjale, ge Dietša tše kgolo tše di tšwile, goba mahlasedi a magolo a Moya: lerato, khutšo, ke sohle se bego se le, Seo. Go be go se na mohlako. Go be go se—go se go hloya, goba go se lonya; go be go ka se tšwe go Mothopo wo. Wola e be e le Jehofa. Yola e be e le Jehofa Modimo. Gomme bjale, bjalo ka ge baithutamodimo ba e bitša, theophany e tšwile go Wola, o bego o bitšwa, ka Lengwalong, lo “Logos,” Logos yeo e tšwilego go Modimo. Go thata go hlaloša, eupša E be e le karolo ya Modimo.

¹²⁹ Bjale, sese se se diregilego. Oo! Ntshwareleng. Ke—ke—ke no fihla go se, se se no ntliša thwi moo ke go ratago. Le a bona? Logos, gomme Mothopo wo mogolo wo, Mothopo wo mogolo wo wa Moya wo o sa bago le mathomo goba bofelo; Moya wo mogolo wo o thomile go bopega, ka tlholong, gomme Logos yeo e tšwilego go tšwa go Wona e be e le Morwa wa Modimo. E be e le sebopego se nnoši se se bonalago seo Moya o bilego le sona. Gomme E be e le theophany, go rago mmele, gomme mmele o be e le boka monna.

¹³⁰ Moshe o O bone ge O fetile go kgabola...hleng—hleng le leswika. Gomme o O lebeletše, o rile, “O bonagetše boka bokamorago bja motho.”

Ke mohuta wa go swana wa mmele woo re o amogelago ge re ehwa fa. “Ge tabarenekele ye ya lefaseng e phušoga, re ne ye nngwe e šetšego e letile.” Woo e be e le Wona. Gomme wola e be e le theophany ye e bego e le Morwa wa Modimo. Morwa yola, Logos yela, e bile nama, gobane re beilwe ka nameng. Gomme theophany, Logos, e bile nama, fa magareng ga rena, gomme E be e se selo gape eupša lefelobodulo, ka gore Mothopo wola ka go felelela o dutše ka go Yena. Oo, a le a e bona? Sole Ona. Wola e be e le Ona, woo, ka go...

¹³¹ Lebelelang fa. A re phetleng bjale thwi ka pela go Bahebere, tema ya 7, feela lebaka la nakwana ya—ya mogau, Modimo ge a rata. A re boneng se e bogegago boka fa. Abraham!

Ke nako e kaakang re nago yona? Re ne metsotso ye lesome. Go lokile. Re šetša se, ka gona re e fetša go latela, go latela, goba Lamorena, Morena a rata.

¹³² Abraham o be a bowa polaong ya dikgoši.

Ka gore Melekitsedeke yo, kgoši ya Salema,...

Ke ba bakae ba tsebago ke kae, ke mang, Salema e be e le eng? Jerusalema.

...*kgoši ya Salema, mokgoma wa Modimo yogodimodimo, yo a kopanego le Abraham a bowa go bolaeng ga dikgoši, gomme o mo šegofaditše;*

Theetšang.

Go yena gape Abraham o fa karolo ya lesome ya tšohle; sa pele go hlathollweng ke Kgoši ya toko, . . . morago ga seo gape ke Kgoši ya Salema, e lego, ke Kgoši ya khutšo;

Wa go se be le tate, wa go se be le mme, wa go se be le lešika, a se ne gape mathomo a matšatši, goba bofelo bja bophelo; . . .

¹³³ Kgoši e theoga go tšwa Salema, gomme e kopane le Abraham a etšwa go bolaeng ga dikgoši. Gomme Kgoši ye ga e ne tate, ga e ne mme, ga e ne mathomo a matšatši goba bofelo bja bophelo. Ke Mang Abraham a kopanego le yena? Bjale naganang. Ga se A be le tate; ga se A be le mme. Ga se A ke a ba le nako yeo A thomilego, gomme ga a ke A ba le nako A tla felago, kafao Kgoši ya Salema yela ya go swana e swanetše go be e phela lehono. Amene. Le a e bona? E be e le theophany yela yeo e bego e le Morwa wa Modimo. Salema efe? Jerusalema yela ye e lego Godimo, yeo Abraham, go šegofatšweng, a bego a puruputša, go hwetša, a leka go hwetša Toropokgolo ye Moagi le Modiro wa yona e bego e le Modimo. O nenerile gohle ka matlalo a dinku le matlalo a dipudi, mogohle, a hlaka, a nenera, gomme o be a nyaka Toropokgolo ye Moagi le Modiro wa yona e bego e le Modimo. Gomme o kopane le Kgoši ya Salema, e theoga, gomme o Mo lefile sa lesome sa dithebola tšohle. Amene. Yoo ke Yena. Oo, Ngwanešu Graham, yoo e be e le Yena. Yoo e be e le Yena.

Abraham o Mmone gape. Letšatši le lengwe o be a dutše ka tenteng. O lebeletše, go tšweng godimo fale, gomme o bone banna ba bararo ba etla.

¹³⁴ Le a tseba, go no ba se sengwe ka ga Mokriste, gore o tseba Moya ge a O bona. Ge a . . . O no o tseba. Go no ba se sengwe sa Semoya ka ona. Dilo tša Semoya di hlathwa ka Semoya. Le a tseba. Ya, o kgona go no e bolela, ge ka kgonthe a tswetšwe. “Dinku tša Ka di tseba Segalontšu sa Ka.”

¹³⁵ Gomme o nno tseba go be go ne se sengwe. O kitimetše ntle gomme o rile, “Tsena, Morena wa ka. Dula fase. Ema gannyane nthathana. Ke tla hwetša lerathana la borotho le go le bea ka seatleng sa Gago. Ke tla hlapiša maoto a Gago. Ikhutšiše Wenamong, morago o ye pele ka leeto la Gago, gobane O—O tlide go nketela.” Godimo ga nageng ya lesehla, a tšere tsela ye thata, tsela le banyatšiwa ba se kae ba Morena.

Mola, Loto a be a phela mononong, motlogolo tlase fale, eupša o be a phela sebeng. Ke seo bontši bja monono bo se tšweletšago ke sebe.

¹³⁶ Kafao Abraham o ba tlišitše godimo, ge a sa hwetša meetse a mannyane le go hlapiša maoto a Bona. O kitimetše ntle go namane, gomme o tšere namane ye e nonnego ka mohlapeng, gomme o e hlabile; a e neela mohlanka, go e bua. Gomme o rile, “Sarah, duba bupi bja gago.”

Le tseba se go duba, e lego, go ra eng. Le a tseba, mama o be a fela a ne ya kgale, mohuta boka wetše, o bile ka go fa—fa faki ya bupi. A le kile la bona ye nngwe ya tšona e ne sefo? Gomme o ne wetše ka fale, o huduile bupi, le a tseba; gomme bo ba bjo bokoto ka mokgwa *wola*, le go bo hudua, boka. Ke bone mama a e dira, makga a mantši, wetše, e ne selo se sennyane sa ntikodiko seo se nago le motato go sona. O be a tla tliša bupi bjola gomme a bo sefa ka mokgwa *woo*, le a tseba, gomme a bo phaphatha morago le pele, ka mokgwa *woo*. Morago a tšee wetše gomme a bo hudue gohle, ka mokgwa *wola*, go bo tliša fase bjhohle. Gomme gola ke ge re be re swanetše go ya tlase le go šidiša kua tšhilong ya kgale; gomme mahlafarara a magolo a kgale, le a tseba, a makoto, a dirile borotho bja kgonthe bja lehea. O be o kgona go sega dikota letšatši lohle, ka bjona.

¹³⁷ Kafao gona, o rile, “Duba bupi bjo rilego, ka pela ka kgonthe. Gomme o dire dinkgwana tsoko thwi fa mo sebešong, thwi ka pela.” Gomme ba gamile kgomo gomme ba swere maswi a rilego. Gomme ba hweditše, ba a fehlile, gomme ba hweditše potoro e rilego. Gomme morago ba ile le go bolaya namane gomme ba hweditše nama ye e rilego, gomme ba gadikile nama. Ba tlišitše maswi a potoro, borotho bja lehea, gomme ba bile le potoro tsoko go bea go dinkgwa tša go fiša. Oo, seo se lokile ka kgonthe. Gomme ba e tšhatšhitše gohle fale. Gomme o e ntšhitše, gomme o e beile fase go Banna ba bararo ba.

¹³⁸ Gomme ge Ba sa ja, Ba be ba tsepeletše go lebanya Sodoma. Gomme ka morago ga nakwana, Ba emeletše gomme ba thoma go sepela. Gomme O rile, “Abraham . . .” O rile, “O ka se nkutele yona.”

¹³⁹ “Nka se go utele se Ke yago go se dira. Ke ya tlase fale. Dibe tša Sodoma di tlie tsebeng ya Ka.”

E be le Mang Monna yola? Lerole gohlegohle diaparong tša Gagwe, gomme a dutše fale a ejá nama ya namane, le go nwa maswi a kgomo, le go ja dinkgwa tsoko tša borotho bja lehea, le potoro tsoko. Ke mang Moisa yo wa go tlaba? Ba babedi, goba ba bararo ba Bona, ba dutše fale. Lerole gohlegohle diaparong tša Gagwe. Oo, ya, “Re tšwa Nageng ya kgole.” Ya, kgolekgole. Gomme kafao O rile . . . Gabotse, Ba be ba le Bomang?

¹⁴⁰ O rile, “Nka se kgone go utela Abraham, go boneng gore ke yena mojabohwa wa lefase.” Amene. “Ke utolla diphiri tša Ka,” ka mantšu a mangwe, “go bale ba ba lego mojabohwa wa lefase.” Ke moo Kereke e swanetše go ba lehono. Yeo ke nnete. Hwetsa Diphiri tša Modimo, tseba ka fao o ka itshwarago wenamong, le go dira, le ke eng o ka e dirago, le ka fao o ka sepelago, le ka fao o ka phelago. Re mojabohwa wa lefase. Nnete. O E utolla go wena, gobane A ka se ute selo. Ke ka lebaka leo re šeditše dilo tše go direga.

Lefase le re, “Aa, seo ke sehlopha sa bohlanya.” Anke ba e bolele. Mojabohwa wa lefase o tseba dilo tše. [Ga go selo go theipi—Mor.]

... ka gore ba tla bitšwa bana ba Modimo.

Ba lehlogenolo ke bao ba lego boleta: ka gore ba tla abelwa lefase.

O dira diphiri tša Gagwe go tsebjia go bona, o e utolla go bona, a ba laetša ke eng go ka dira le ka fao ba ka phelago, go tlogeleng dilo tša lefase; go sepela bomodimo le go phela bomodimo, mo lefaseng le la bjale, ba sepela mmogo le Yena. Anke lefase le bolele se ba se nyakago.

¹⁴¹ Kafao O rile, “Nka se ute sephiri se go Abraham, gobane, go boneng ke yena mojabohwa wa lefase. Eupša,” O rile, “Ke a theoga go yo senya Sodoma. Ke a theoga.”

¹⁴² “O ya go dira eng, Morena? O tšwa kae? Yona yohle e mabapi le eng?”

¹⁴³ Go tla go hwetša, O rile, “Gomme selo se sengwe, Abraham, o letile mengwaga ye masomepedi tlhano bakeng sa tshepišo ye Ke go fago. O šetše o hweditše dikoromo, di—di diphini le se sengwe le se sengwe, bakeng sa lesea le, mengwaga ye masomepedi tlhano ya go feta. O sa ntše o letile go Nna. Bjale Ke ya go go etela, feela e ka ba ka nako ya bophelo, go ya ka, nako ya bophelo, kgwedi ye e latelago Ke tla ba le wena.”

¹⁴⁴ Gomme Sarah, morago ka tenteng. Gomme Monna yo o bile le mokokotlo wa Gagwe o furaletše tente, a bolela le Abraham, ka mokgwa *wo*. Gomme Sarah o ile, “Aaa!”

¹⁴⁵ O rile, “Ke eng e dirilego Sarah a sege?” Ho-ho-ho! Go reng ka yeo? Yeo e be e le gobalamonagano thwi, a go be go se? “Ke eng e dirilego Sarah a sege?”

Sarah o rile, “Aowa. Ga se nke ka sega.”

¹⁴⁶ O rile, “Oo, ee, o dirile.” O be a tšhogile. O be a thothomela. O be a le mang Yola, a kgognego go tseba se a bego a se dira morago ka tenteng? Yola ke Modimo Yola wa go swana yoo a nago le rena lehono. Yena wa go swana. O tseba tšohle ka ga yona. Le a bona? O no e utolla bjalo ka ge o ne tlhoko. Le a bona?

¹⁴⁷ “O sega eng?” Le a bona, mokokotlo wa Gagwe o e furaletše. Beibele e boletše seo, gore, “Mokokotlo wa Gagwe o furaletše tente.” Eupša, O e tsebile. “Ke eng yena, morago fale, a dira *se*, o a bona?”

Kafao, O rile, “Ke ya go go etela.”

¹⁴⁸ Moisa yo wa go tlaba ke Mang? Le a tseba go diregile eng? O sepeletše thwi fale ntle gomme a timelela. Gomme Beibele e boletše gore Yola e be e le Ramaatlakamoka Modimo, Jehofa, Mothopo wola wo mogolo, Theophany yela, Logos yela.

¹⁴⁹ Moreri yo mongwe o rile go nna, nako ye nngwe e fetilego, o rile, “Ngwanešu Branham, ka nnete o be o ka se nagane yola o be a le Modimo, a o be o ka?”

¹⁵⁰ Ke rile, “Beibele e rile O be a le Modimo, Elohim.” Yo, O be a le Ramaatlakamoka Modimo, El Shaddai, yeo ke nnete, Mofi wa Maatla, Mokgotsofatši. Amene.

¹⁵¹ Oo, ke ikwela bodumedi! Naganang ka yona. Ke mo, šo Yena. Bjale ke ya go le bontšha ke Mang Yena a lego fa, gona le tla bona ke Mang Morwa a lego. Yola e be e le Jesu, pele A bile le Leina la bomotho, “Jesu.”

¹⁵² Eme fale mo mothopong letšatšing lela. Gomme bohle ba be ba enwa, le a tseba, gomme, “Go beng le meetse a bilego ka lešokeng,” le dilo boka tšeо. O rile... Ba be ba ejá mana le selen. Ba re, “Botatago rena ba jele mana lešokeng, lebaka la mengwaga ye masomenne.”

¹⁵³ O rile, “Gomme bona ba, yo mongwe le yo mongwe, hwile.” O rile, “Ke nna Borotho bja Bophelo bjoo bo tšwago go Modimo, go tšwa Legodimong. Yoo a jago Borotho bjo a ka se tsoge a hwa.”

¹⁵⁴ Ba rile, “Gabotse, botatawešo ba nwele go tša go Moya, go tšwa Leswikeng la semoya leo le bego le le ka lešokeng, leo le ba latetšego.”

¹⁵⁵ O rile, “Ke nna Leswika leo.” Letago! Mokgethwa Johane, tema ya 6.

“Gobaneng,” ba rile, “eng?”

“Ee. Seo ke therešo.”

¹⁵⁶ “Gobaneng,” o rile, “Wena o... Wena ebile ga o bogolo bja mengwaga ye masometlhano.” Nnete, mošomo wa Gagwe o Mo dirile a bogege botšofe gannyane, eupša O be a no ba masometharo. O rile, “O monna yo a sego bogolo bja mengwaga ye masometlhano, gomme o re o bone Abraham, yoo a hwilego lebaka la mengwaga ye makgolo a seswai goba a senyane? Re a tseba o ne diabolo.”

¹⁵⁷ O rile, “Pele Abraham a eba, KE NNA.” Yena šole. Ke Mang a bego a le KE NNA? Leina la motšaotšele go moloko wohle. Yola e be e le... Pilara ya Mollo yela ka sethokgweng se se tukago, “KE NNA YENA KE NNA.” Yena šole o be a le, Theophany yela A e dirilego fa, e biditšwego Morwa wa Modimo, KE NNA, Jehofa.

¹⁵⁸ Tomase o rile, “Morena, re laetše Tate gomme go tla re kgotsofatša.”

¹⁵⁹ O rile, “Ke bile le lena botelele kudu, ga o Ntsebe?” O rile, “Ge o Mpona, o bona Tate. Gobaneng o re, ‘Re laetše, Wena, Tate?’ Nna le Tate re Batee. Tate wa Ka o dula ka go Nna. Ke no ba tabarenakele e bitšwago Morwa. Tate o dula ka go Nna.

Ga se Nna ke dirago mediro, ke Tate wa Ka yoo a dulago ka go Nna. O dira mediro, e sego Nna."

¹⁶⁰ Bjale, a eme morago fale, gape, Moshe o Mmone, mokokotlo wa Gagwe, o rile, "O bonagetše boka mokokotlo wa motho," Logos yeo e tšwago go Modimo.

¹⁶¹ Gona go diregile eng? Yo e be e le Modimo. Gomme lebaka A be a fetogile go tloga go Logos go nama... Eng...? O dira bjang...? Go diregile eng go yela? Metsotsotso ye mehlano pele ga seo, O be a le... O be a le Logos. Eupša O dirile eng? O nno obeletša godimo...

¹⁶² Bjale, mebele ya rena e dirilwe ka dielemente tše lesometshela tša go fapanana tša lefase. Re tseba seo. O dirilwe ka photaše, le—le ye—le ye nnyane khalesiamo, le—le petroleamo, le seetša sa khosmiki, le diathomo, le go ya pele. Tšohle di hlophilwe mmogo, gomme di dira mmele wo, o tšwa leroleng la lefase. O ja dijo. Ge o eja dijo, tše di fetogela go... go tšwa leroleng, gomme di tšwa leroleng, gomme di no—no ya pele thwi. Nama ya gago, ge go iwa ka nama ya gago, ga e fapanana le pere, goba go kgomo, goba e ka ba eng gape. E sa no ba nama.

¹⁶³ Gomme, mošemane, o tagafatša nama; eupša moyo wola o ne soulo ka fale, ngwanešu. Yeo ke nnete. Eupša nama ya gago e no ba lerole la lefase, boka phoofolo. Nama ya gago ga e phale ya phoofolo. Gomme ge o kganyoga nama le selo o se bonago, o kganyoga basadi, o kganyoga dilo tšohle tše tša go fapanana, e sa le nama. Yeo ke nnete. Ga se wa swanela go e dira. Moya wa Modimo o tla go hlahlela pele le go go bea godimo ga lefelo la godingwana go phala leo. Yeo ke nnete tlwa.

¹⁶⁴ Bjale, gomme fa, Theophany ye kgolo ye e emego fale. Eng... Jehofa Modimo yola yo mogolo, le tseba ke eng A e boletšego? O nno obeletša godimo gomme a hwetša lehupa la diathomo, a hwetša seetša se sennyane, gomme o o tšholletše ka gare, ka mokgwa wo, o ile, "Fše," mmele, gomme a no tepogela thwi ka go ona. Ke sohle.

¹⁶⁵ O rile, "Etla fa, Gabariele," Morongwamogolo yo mogolo yola. O ile, "Fše." "Tepogela ka go woo."

¹⁶⁶ "Etla fa, Mikaele," Morongwa ka lehlakoreng la Gagwe le letona. "Fše." Ka gobane... "O tepogela ka go wola."

¹⁶⁷ Modimo, le Barongwa ba babedi, ba sepetsé tlase fa ka nameng ya bomotho, gomme ba nwele maswi go tšwa kgomong, ba ja potoro go tšwa maswing, gomme ba ja borotho bja lehea, gomme ba ja nama ya namane. Barongwa ba babedi le Modimo. Beibele e boletše bjalo. Yoo ke Melekitsedeke, yoo Abraham a kopanego le yena, a etšwa polaong ya dikgoši. Yoo ke Morwa wa Modimo.

¹⁶⁸ Eyang pele, fa ka go Bahebere, ya 7, o rile, "Eupša o dirilwe ka lenaneo go swana le Morwa wa Modimo." Yena šoo. O dirile

dilo tšohle ka Yena. Gomme O sepetše ntle go tšwa fale, le go no fetolela lerole lela morago thwi go lerole gape, gomme o tepogetše thwi morago ka Letagong.

¹⁶⁹ Gomme Barongwa, ka pela ge Ba hlakodištše Loto le Mdi. Loto, gomme o tšwetšepele go lebelela morago. O rile, o ba boditše go se e dire gape. Gomme Ba tepogetše thwi morago ka go go—go Bogoneng bja Modimo.

¹⁷⁰ Bjale, a kholofelo ye kgolo re nago ka go Tumelo ye kgolo ye yeo re e hlankelago bošegong bjo! Modimo yo a phelago, Jehofa, Pilara ya Mollo, e ne rena. A ipontšha Yenamong maatleng, le tiro, le go ikgodiša . . . Anke ba tsee Seswantšho sa Gagwe, Jehofa wa go swana. Morwa wa Modimo yoo a tšwago go Modimo, o ile morago go Modimo, gomme o dula ka Kerekeng ya Gagwe neng le neng. Yena šole.

¹⁷¹ O ne maina a rena mo Pukung ya Gagwe, ka keno ye e ennwego ka Yenamong, gobane ga a gona yo mogolwane A ka enago ka yena, gore O tla re tsoša mo letšatšing la mafelelo. “Yo a jago Nama ya Ka, le go nwa Madi a Ka, o ne Bophelo bjo bosafelego, gomme Ke tla mo tsosha mo letšatšing la mafelelo. Yo a tlago go Nna, ga go ka mo Nka go mo lahla. Yo a kwago Lentšu la Ka, gomme a dumela Yena yoo a Nthomilego, o ne Bophelo bjo bosafelego, gomme a ka se tsoge a tla ka kahlolong, eupša o fetile lehung go ya Bophelong.”

¹⁷² Yena yola wa go swana o kgonne go obeletša le go ga lehupa la khalesiamo le photaše, a ya, “Fše,” gomme ke lena bao gape. Gomme leina la ka le go Puku ya Gagwe. Ho-ho! Ho-ho-ho-ho! Ke tshwenyegelang magetla a ka a ba go kobama gakaakang, ke tšofala gakaakang? Kgonthe aowa. Ga go nthathana ya go tshwenyega.

¹⁷³ Ngwanešu Mike, le lengwe la matšatši a, šegofatša pelo ya gago, ngwanešu, ge phalafala yela ye kgolo e tla tla, modumo wola, gomme Josefa yola o tla tepogela pele. Haleluya! O tla re, “Bana!” “Fše.” Fale re tla ba, re dirile ka lebopego la Gagwe; baswa neng le neng, botšofe bo fetile; mekomane, mathata, manyami a nyamaletše. Letago go Modimo yo a phelago!

¹⁷⁴ Ke Yo A bolelago ka yena, lehono, Morwa wa Gagwe. “Mo dinakong tša Kgale le ka mekgwa ya go fapano O boletše ka moperfeta, eupša mo letšatšing la mafelelo ka Morwa wa Gagwe, Kriste Jesu.” O bolela go pelo ya motho yo mongwe le yo mongwe yoo A mmiditšeego. Ge eba o kile wa ikwela Segalontšu sa Gagwe goba go Mo kwa a kokota pelong ya gago, hle se Se gane.

A re rapeleng.

¹⁷⁵ Tate wa Legodimong, bošegong bjo, bjalo ka ge re thabile kudu go tseba, mo go bulweng ga Lengwalo le la Bahebere le, ka fao Paulo a ilego morago thwi ka go Diebangedi. O be a ka se no e tše godimo ga mabarebare goba godimo ga boitemogelo. O nyakile re tsebe se e bego e le Therešo. Gomme o ile thwi

morago ka go Diebangedi, gomme o . . . morago ka go Testamente ya Kgale, Ebangedi yeo e rerilwego go bona. Gomme o bone, ka Testamente ya Kgale fale, meriti le dikai tšohle. Ke ka lebaka leo re nago le Puku ye kgolo ye ya Bahebere bošegong bjo. Gomme re a E bona, Morena, gomme re a E rata. Gomme go kgabola mabaka, E tšunngwe, E tšitlantšwe, E lekilwe go fedišwa, eupša O no phephesela pele feela go swana. Gobane Wena o rile, "Magodimo le lefase di tla feta, eupša Mantšu a Ka a ka se ke."

¹⁷⁶ Gona mokamaki o tla re, "Gabotse, o rile, 'Paulo o ngwadile ye.'" E sego Paulo, eupša Modimo yoo a bego a le ka go Paulo; Sephedi sela sa go hlola seo se bego se le ka gare ga Paulo.

¹⁷⁷ Feela boka go bile ka go Dafida, ge a rile, "Nka se lese Yo Mokgethwa wa Ka go bona go bola, gape Nka se tlogele soulo ya Gagwe ka heleng." Gomme Morwa wa Modimo o tšere Mantšu ale go tšwa go moprofeta, gomme o ile thwi ka difarong tša hele. Gomme o rile, "Phušulang tabarenenekele ye, gomme Ke tla E tsoša mo mašatšing a mararo." Gomme O e dirile, gobane Lentšu la Modimo le ka se palelwe; ntłhasana e tee e ka se palelwe. Re leboga Modimo bjang ka se, Urim Thummim ye kgolo ye, le go tseba gore maitemogelo a rena bošegong bjo, Morena, a bekenya thwi mo go Beibele ye fa! Re tswetšwe gape, re ne Moya wo Mokgethwa.

¹⁷⁸ Morategi Modimo, ge eba go ne monna goba mosadi ka fa bošegong bjo, mošemane goba mosetsana, yo a sa nkago a hlatsetša se, ba ka kguna bjang go tsoga ge go se ne Bophelo ka fale? Oo, ba re, "Ke ne Bophelo."

¹⁷⁹ Eupša Beibele e rile, "Yo a phelago maipshinong o hwile le ge a phela. O re o ne Bophelo, eupša o hwile. O a tteleima," go boletše Beibele, "gore o ne Bophelo, eupša o hwile. Wena o re o humile gomme ga o hloke selo; eupša ga o tsebe gore o a šokiša, le go diila, le go hlobola, le go foufala, gomme ga o tsebe." Gomme seo ke seemo sa dikereke bošegong bjo, Morena. Ka fao ba fošago tše dikgolo tše, dilo tše bohlokwa.

Go tseba gore Jehofa Modimo yo mogolo, Yo a ka tšweletšago feela ka . . . O rile, "Ntlišetšeng hlapi tšela tše nnyane." O ile a swanela go tšea hlapi go—go dira se sengwe ka yona. Go bontšeng, gore tsogo e swanetše go ba se sengwe, go dira le se sengwe. Ga se A dira hlapi feela, eupša O dirile hlapi ye e apeilwego, le borotho bjo bo apeilwego. Gomme O fepile ba dikete tše tlhano ka hlapi tše nnyane tše tlhano . . . dillofo tše dinnyane le dihlapi tše pedi. O Morena, e be e le ka seatleng sa Gagwe, gomme O be a le Mohlodi. Eupša O be a swanetše go ba le se sengwe ka seatleng sa Gagwe.

Modimo, anke re ipee renabeng ka diatleng tša Gagwe, bošegong bjo, le go re, "O Modimo, ntšee bjalo ka ge ke le. Gomme ge bofelo bja bophelo bja ka bo le fa, anke ke ye ka kholofelo ye yeo e bilego ka go nna, go tsebeng ke tswetšwe gape,

gomme Moya wa Gago o beile bohlatse le nna, le go hlatselana le moya wa ka, gore ke morwa wa Gago, goba morwedi wa Gago.” Gomme mo letšatšing lela la mafelelo, O tla ba tsoša. E fe, Tate.

¹⁸⁰ Gomme ge re sa ne dihlogo tša rena di inamišitšwe, a go ka ba le yo a tla go phagamiša seatla sa gagwe, a re, “Nkgopole, Ngwanešu Branham, thapelong. Ke nyaka Modimo go ntseba ge ke . . . pele ke tlogela lefase le, gore O tla ntseba kudukudu gore O tla bitša leina la ka. Ke tla araba.” Morena a go šegofatše morwa. Modimo a go šegofatše, le wena; le wena, mohumagadi. Yo mongwe gape? Nno phagamiša seatla sa gago. E re, “Nthapediše, Ngwanešu Branham.” Ke seo re tla se dirago. Modimo a go šegofatše, mohumagadi yo moswa. Yeo e lokile.

¹⁸¹ Bjale, ge hlogo ya lena e inamišitšwe, le rapela, ke ya go opela temana ya pina ye.

Se dume mahumo a lefeela a lefase le,
Ao ka potlako a bolago,
Aga dikholo felo tša gago go dilo tša
Gosafelego,
Di ka se tsoge tša feta.

Swarelela go seatla sa Modimo se sa fetogego.
Swarelela go seatla sa Modimo se sa fetogego.
Aga dikholo felo tša gago go dilo tša
Gosafelego,
Swarelela go seatla sa Modimo se sa fetogego.

¹⁸² Ge a sa raloka bjale, le hlogo ya lena e inamišitšwe, a o ka obeletša seatla sa gago godimo, wa re, “Ee, Morena, sa ka sese”? Se tla dira eng? Se tla bontšha moya wa gago, ka go wena, o dirile sephetho. “Ke nyaka seatla sa Gago, Morena.” Modimo a go šegofatše, mosetsanyanya yo monnyane. “Ke tla phagamiša seatla sa ka.” Modimo a go šegofatše, mosetsana yo monnyane, tlase fa. Go kaone, hani. Modimo, o a tseba, o thabile go go bona o dira seo. “Lesang bana ba bannyane ba tle go Nna.”

¹⁸³ “Ke nyaka, Modimo, Wena go swara seatla sa ka. Gomme mo letšatšing leo, ke nyaka go ba ka seatleng sa Gago; gore, ge O bitša, ke tla tla.” Ee, boka Latsaro a bile. Modimo a go šegofatše, kgaetšedi.

Ge leeto la rena le phethilwe,
Ge go Modimo o be o tshepega,
Le botse le go phadima legae la gago Letagong,
Soulo ya gago yeo e hlatlošitšwego e tla le bona.

O tla dira eng bjale, gona?

Swarelela go seatla sa Modimo se sa fetogego.
Swarelela go seatla sa Modimo se sa fetogego.
Aga dikholo felo tša gago go dilo tša
Gosafelego,
Swarelela go seatla sa Modimo se sa fetogego.

¹⁸⁴ Tate wa Legodimong, diatla tše mmalwa di ile godimo, ka kopanong ye nnyane ye, bošegong bjo, gore ba nyaka go swara, bošegong bjo, ga sa Gago sa go se fetoge, seatla sa Gosafelego. Go tsebeng gore se se gafetšwego go Wena . . . O rile, “Nna . . . Bohle Tate a Mphilego ba tla tla go Nna, gomme ga a gona wa bona a tla go lahlega. Gomme Ke tla ba tsoša mo letšatšing la mafelelo. Ka se tsoge a senyega, ka se tsoge a tla kahlolong, eupša o ne Bosafelego, Bophelo bjo Bosafelego.” Gomme go ne feela Bophelo bjo Bosafelego bjo botee. Bjoo bo tšwa go Modimo, a nnoši. Ke Modimo. Gomme re ba karolo ya Modimo, kudukudu gore re barwa le barwedi ba Modimo. Ge re ne Moya wa Modimo ka go rena, re nagana boka Modimo. Re nagana ka toko le bokgethwa, gomme re leka go phela go Mo kgahla.

¹⁸⁵ Efe, Morena, gore mohuta wola wa Bophelo o tla tsena motho yo mongwe le yo mongwe yoo a phagamišitšego seatla sa bona. Gomme bale ba ka bego ba phagamišitše diatla tša bona, gomme ba se ke, ke rapela gore O tla ba le bona. E fe, Tate. Gomme ge leeto le feditšwe, bophelo bo feditšwe, anke re tsene khutšong mo letšatšing leo, le Yena, moo re ka se tsogego ra tšofala, ra se tsoge ra lwala, gwa se tsoge gwa ba bothata. Go fihlela nako yeo, re boloke re thakgetše le go thaba, re Mo tumiša, gobane re e kgopela Leineng la Gagwe. Amene.

¹⁸⁶ Bohle lena badumedi, bjale, a re no phagamišang diatla tša rena gomme re opele khorase.

Swarelela go seatla sa Modimo se sa fetogego.
 Swarelela go seatla sa Modimo se sa fetogego.
 Aga dikholofelo tša gago go dilo tša
 Gosafelego,
 Swarelela go seatla sa Modimo se sa fetogego.

Bjale a re e hameng. [Ngwanešu Branham o thoma go hama
Swarelela Go Seatla Sa Modimo Se Sa Fetogego—Mor.]

¹⁸⁷ Ge le sa dira seo, moagišani wa gago; o re, “Modimo a go šegofatše, moagišani.” Šikinya diatla le yo mongwe a dutšego go batagana le wena. “Modimo a go šegofatše.” Oo bobedi bja mahlakore bjale. Go bobedi bja mahlakore, šikinyang diatla. “Modimo a go šegofatše, moagišani. Modimo a be le wena.” Aga dikholofelo tša gago go dilo tša Gosafelego.

Doc, ke a tseba bo gona, ngwanešu. Ke a tseba o bile fale, Ngwanešu Neville, kgalekgale.

Ge leeto le le phethilwe,
 Go ya go direga, le lengwe la matšatši a.
 Ge go Modimo re be re tshepega,
 Re tla bona Ngwanešu Seward fale.
 Go taga le go taga, legae la gago ka Letagong,
 Soulo ya gago yeo e hlatlošitšwego e tla le bona.

Swarelela go seatla sa Modimo se sa fetogego.
Ke rata tumišo yeo, ka morago ga molaetša.

Swarelela go seatla sa Modimo se sa fetogego.
Aga dikholofelo tša gago go dilo tša
Gosafelego,
Swarelela go seatla sa Modimo se sa fetogego.
Nako e tletše ka phetogelo ya ka lebelo,
Ga se gona sa lefase se sa šuthišwego se tla
emago,
Aga dikholofelo tša gago go dilo tša
Gosafelego,
Swarelela . . .

A re swareng mmono wa Gagwe, Yena yola wa go sebonwe ka magareng bjale, gomme re no Mo tumišang bjale ge re opela.

Swarelela go seatla sa Modimo se sa fetogego.
Swarelela go seatla sa Modimo se sa fetogego.
Aga dikholofelo tša gago go dilo tša
Gosafelego,
Swarelela go seatla sa Modimo se sa fetogego.
Khutšo! Khutšo! Ya go makatša khutšo,

Nno Mo tumišang bjale.

Go tleng tlase . . .

Molaetša o fedile. Ke tumišo.

Swiela godimo ga moya wa rena neng le neng,
ke a rapela,
Ka go mekubego ya tengteng ya lerato.

No hlapa ka go Yena.

Khutšo! Khutšo! Ya go makatša khutšo,
Go tleng tlase go tšwa . . .

Mothopo wola wo mogolo, O a bulega.

. . . godimo;
Swiela godimo ga moya wa rena neng le neng,
ke a rapela,
Ka go mekubego ya tengteng ya lerato.

A seo se no se dire selo?

Khutšo ye e makatšago,
Go tleng tlase go tšwa go Tatawešo Godimo;
Swiela godimo ga moya wa rena neng le neng,
ke a rapela,
Ka go mekubego ya tengteng ya lerato.

A ga go na se sengwe ka Yona, feela go huma le bose?

¹⁸⁸ Ke makala ge eba go ne motho wa go babja a nyakago go tlotšwa le go rapelelwa. Ge a le gona, nno hwetša lefelo la gago. Yo ke mohumagadi ka go setulo sa bagolofadi fale? Nno mo lesa

a dutše. Ke tla tla, go mo rapelela. Ga a swanela go tla godimo go tloga setulong. Yo mongwe?

Oo, a ga le no rata karolo ye ya tirelo ye? Ke ba bakae ba ikwelago, ba no tsebago gore Bogona bja Modimo bo fa? Ke seo ke bolelago ka sona. Wola wa go swana... O no ikwela boka... Ke ba bakae ba ikwelago boka o ka no goeletša ntle? Bjale a re no bonang. Go no ikwela boka se sengwe ka go wena se nyaka go goeletša ntle. Le a bona?

Ke khutšo! Khutšo! Khutšo ye e makatšago,
 Go tleng tlase go tšwa go Tatawešo Godimo;
 Swiela godimo ga moya wa rena neng le neng,
 ke a rapela,
 Ka go mēkubego ya tengteng ya lerato.
 Phadima go nna,

¹⁸⁹ Ge re sa tumiša, re ya go tlotša balwetši bjale, le go ba rapelela. A o ka se tle ka tsela ye, mohumagadi?

¹⁹⁰ Se se ra eng? “Thapelo ya tumelo e tla phološa molwetši.” Yo mongwe le yo mongwe thapelong bjale, nno hamang pina yela. Naganang ka Jesu a fodiša balwetši.

Mo tlotša ka oli...?...



BAHEBERE, TEMA YA PELE NST57-0821
(Hebrews, Chapter One)
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Agostose 21, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org